

四庫全書薈要

• 乾隆御覽本

史部

欽定四庫全書薈要

史部

資治通鑑卷九十四



詳校官編修臣汪鏞

資治通鑑卷九十四

宋 司馬光 撰

胡三省 音註

東晉紀十六

起著雍困敦盡重光單閼凡四年

顯宗成皇帝上之下

咸和三年春正月溫嶠入救建康軍于尋陽

自武昌東下軍于尋

陽韓晃襲司馬流於慈湖流素懦怯將戰食炙不知口

處兵敗而死

炙之夜翻燔肉也

丁未蘇峻帥祖渙許柳等衆二

萬人濟自橫江登牛渚軍于陵口

牛渚山在今太平州當塗縣北三十里山

下有磯津渡之處與和州橫江渡相對陵口當在牛渚山東北即東陵口也

帥讀曰率臺兵禦之

屢敗二月庚戌峻至蔣陵覆舟山

陵阜也蔣陵蔣山之阜也覆舟山形如覆

舟故陶回謂庾亮曰峻知石頭有重戍不敢直下必向

小丹陽南道步來

漢丹陽郡治宛陵縣武帝太康二年分丹陽置宣城郡治宛陵而丹陽移

治建業建業本漢之秣陵也吳改曰建業晉復曰秣陵至太康三年分秣陵之水北為建業後避愍帝諱改曰

建康元帝南渡建康置丹陽尹治于臺城西而丹陽太守舊治秣陵縣俗謂之小丹陽其路即今太平州取建

康之路也宜伏兵邀之可一戰擒也亮不從峻果自小丹陽

來迷失道夜行無復部分

分扶問翻

亮聞乃悔之朝士以京

邑危逼

朝直通翻

多遣家人入東避難

建康以吳會稽為東難乃旦翻

左衛

將軍劉超獨遷妻孥入居宮內

孥音奴子也

詔以卞壺都督

大桁東諸軍事

壺苦本胡桁讀與航同

與侍中鍾雅帥郭默趙胤

等軍及峻戰于西陵

據壺傳峻至東陵口壺與戰于陵西成帝紀作西陵

壺等大

敗死傷以千數丙辰峻攻青溪柵卞壺率諸軍拒擊不

能禁峻因風縱火燒臺省及諸營寺署一時蕩盡

杜佑曰宋

齊有三臺五省之號三臺蓋兩漢舊名五省謂尚書中書門下祕書集書省也

壺背癰新愈創

猶未合

創初良胡

力疾帥左右苦戰而死二子眡盱隨父後

亦赴敵而死其母撫尸哭曰父為忠臣子為孝子夫何

恨乎

眡之忍翻盱凶于翻夫音扶

丹陽尹羊曼勒兵守雲龍門與黃

門侍郎周導廬江太守陶瞻皆戰死庾亮帥眾將陳于

宣陽門內

帥讀曰率陳讀曰陣

未及成列士眾皆弃甲走亮與弟

懌條翼及郭默趙胤俱奔尋陽

依溫嶠也

將行顧謂鍾雅曰

後事深以相委雅曰棟折榱崩誰之咎也

折而設翻榱所追翻秦曰

屋椽齊魯曰摘周曰榱

亮曰今日之事不容復言

復扶又翻

亮乘小船

亂兵相剝掠亮左右射賊誤中施工應弦而倒

施待可翻施以

正船施工一船之司命也射而亦翻中竹仲翻

船上咸失色欲散亮不動徐曰

此手何可使著賊

言射不能殺賊而反射殺施工自恨之辭也著直略翻

眾乃安

峻兵入臺城司徒導謂侍中褚翼曰至尊當御正殿君

可啟令速出翼即入上閤躬自抱帝登太極前殿

翼所甲翻

導及光祿大夫陸曄荀崧尚書張闓共登御床擁衛帝

闓苦亥翻

以劉超為右衛將軍

晉志文帝初置中衛及衛將軍武帝受命分為

又音開

左右衛以羊琇為左趙序為右

使與鍾雅褚翼侍立左右太常孔愉朝

服守宗廟

朝直時

百官奔散殿省蕭然峻兵既入叱褚

翼令下翼正立不動呵之曰蘇冠軍來覲至尊

峻先以討沈充

功進冠軍將軍故

軍人豈得侵逼由是峻兵不敢上殿

稱之冠古玩翻

上時

突入後宮宮人及太后左右侍人皆見掠奪峻兵

掌翻

驅役百官光祿勳王彬等皆被捶撻

捶止

令負擔登蔣

山擔都藍翻

又徒濫翻蔣山即鍾山在今上元縣東北十八里輿地志曰古曰金陵山縣名因此又名蔣山

漢末秣陵尉蔣子文討賊戰死于此吳大帝為立廟子

文祖諱鍾因改曰蔣山子謂孫權祖亦諱鍾當因是改

也裸剝士女

裸魯果翻

皆以壞席苫草自障無艸者坐地以

土自覆哀號之聲震動內外

苦詩廣翻覆數救翻下同號戶刀翻

初姑孰

既陷尚書左丞孔坦謂人曰觀峻之勢必破臺城自非

戰士不須戎服及臺城陷戎服者多死白衣者無他時

官有布二十萬匹金銀五千斤錢億萬絹數萬匹他物

稱是

言侘物與布金銀錢絹相稱也稱尺證翻

峻盡費之太官惟有燒餘米

數石以供御膳或謂鍾雅曰君性亮直必不容於寇讐

盍早為之計雅曰國亂不能匡君危不能濟各遁逃以

求免何以為臣丁巳峻稱詔大赦惟庾亮兄弟不在原

例不在見以王導有德望猶使以本官居己之右祖約

為侍中太尉尚書令峻自為驃騎將軍錄尚書事

驃匹妙翻

許柳為丹陽尹馬雄為左衛將軍祖渙為驍騎將軍

驍堅

堯翻弋陽王叢詣峻稱述峻功峻復以叢為西陽王太宰

錄尚書事

叢降爵見上卷咸和元年叢余亮翻

峻遣兵攻吳國內史庾冰

冰不能禦奔會稽

時以吳郡為吳國太守為內史會工外翻

至浙江峻

購之甚急吳鈴下卒引冰入船以蘆蔭覆之吟嘯鼓柁

泝流而去

蘆求於翻蔭陳如翻說文曰蘆蔭竹席也予謂從卅者今蘆蔭也柁以制翻楫謂之柁泝

蕪故翻逆
流曰沂

每逢邏所

邏所謂津要置邏卒之所邏郎佐翻

輒以杖叩船曰

何處覓庾冰庾冰正在此人以為醉不疑之冰僅免峻

以待中蔡謨為吳國內史溫嶠聞建康不守號慟

號戶翻

人有候之者悲哭相對庾亮至尋陽宣太后詔以嶠為

驃騎將軍開府儀同三司又加徐州刺史郗鑒司空

郗丑

之嶠曰今日當以滅賊為急未有功而先拜官將何以

示天下遂不受嶠素重亮亮雖奔敗嶠愈推奉之分兵

給亮後趙大赦改元太和

考異曰晉春秋云勒即位改元太和按勒建平

元年始即帝位
今從勅載記

三月丙子庾太后以憂崩 蘇峻南

屯于湖 夏四月後趙將石堪攻宛南陽太守王國降

之宛於元翻遂進攻祖約軍于淮上約將陳光起兵攻

約約左右閭禿貌類約禿吐谷翻光謂為約而擒之約踰垣

獲免光奔後趙 壬申葬明穆皇后于武平陵 庾亮

溫嶠將起兵討蘇峻而道路斷絕不知建康聲聞聞音問

會南陽范汪至尋陽言峻政令不壹貪暴縱橫橫戶孟翻滅

亡已兆雖彊易弱易以政翻朝廷有倒懸之急宜時進討嶠

深納之亮辟汪參護軍事亮嶠互相推為盟主嶠從弟

充曰

從才用翻秋作從兄今從晉書

考異曰晉春

陶征西位重兵彊

侃時為征

西大將軍都督荆湘雅梁專制上流

宜共推之嶠乃遣督護王愆期詣荆

州邀陶侃與之同赴國難

難乃旦翻下同

侃猶以不豫顧命為

恨事見上卷咸和元年答曰吾疆場外將不敢越局

謂內輔外禦各有局分不

敢踰越也將即亮翻

嶠屢說不能回

說輸為翻

乃順侃意遣使謂之曰

仁公且守

漢魏以來率呼宰輔岳牧為明公今嶠呼侃為仁公蓋取天下歸仁之義言晉之征鎮皆

歸重於侃也使

僕當先下使者去已二日平南叅軍榮

陽毛寶

嶠為平南將軍以寶為參軍

別使還聞之

還從宣翻又如字

說嶠曰

凡舉大事當與天下共之師克在和不宜異同

左傳楚闕廡曰

師克在和不在衆也

假令可疑猶當外示不覺況自為攜貳耶宜

急追信改書

信即使也

言必應俱進若不及前信當更遣使

嶠意悟即追使者改書侃果許之遣督護龔登帥兵詣

嶠

帥讀曰率

嶠有衆七千於是列上尚書

以侃為盟主與亮嶠列名上之尚書

也上時掌翻

陳祖約蘓峻罪狀移告征鎮灑泣登舟陶侃復

追龔登還嶠遺侃書曰夫軍有進而無退可增而不可

減近已移檄遠近言于盟府

盟府謂侃府也侃為盟主故稱為盟府復扶又翻遺

于季

刻後月半大舉諸郡軍並在路次惟須仁公軍至

便齊進耳仁公今召軍還疑惑遠近成敗之由將在於

此僕才輕任重實憑仁公篤愛遠稟成規至于首啟戎

行

行戶剛翻詩元戎十乘以先啓行

不敢有辭僕與仁公如首尾相衛

脣齒相依也恐或者不達高旨將謂仁公緩於討賊此

聲難追僕與仁公並受方岳之任安危休戚理既同之

且自頃之顧綢繆往來情深義重

綢繆除留綢繆莫彪翻纏綿也

一旦

有急亦望仁公悉衆見救況社稷之難乎今日之憂豈

惟僕一州文武莫不翹企

言翹首企足以望侃兵之來難乃旦翻

假令此

州不守約峻樹置官長於此

此謂江州也長知兩翻

荆楚西逼彊

番東接邊塞因之以飢饉將來之危乃當甚於此州之

今日也仁公進當為大晉之忠臣參桓文之功退當以

慈父之情雪愛子之痛

謂侃子瞻為峻所殺

今約峻凶逆無道痛

感天地人心齊壹咸皆切齒今之進討若以石投卵耳

苟復召兵還是為敗於幾成也

復扶又翻幾居希翻

願深察所陳

王愆期謂侃曰蘇峻豺狼也如得遂志四海雖廣公寧

有容足之地乎侃深感悟即戎服登舟瞻喪至不臨

臨力

鳩翻晝夜兼道而進郝鑒在廣陵城孤糧少逼近番寇

近其

新翻人無固志得詔書即流涕誓衆入赴國難將士爭奮

難乃旦翻將即亮翻

遣將軍夏侯長等間行謂溫嶠曰或聞賊欲

挾天子東入會稽當先立營壘屯據要害既防其越逸

又斷賊糧運

間古莧翻斷丁管翻

然後清野堅壁以待賊賊攻城

不拔野無所掠東道既斷糧運自絕必自潰矣嶠深以

為然

晉都建康糧運皆仰三吳故欲先斷東道王敦蘇峻之亂匡復之謀鄒鑒為多

五月陶侃

率眾至尋陽議者咸謂侃欲誅庾亮以謝天下亮甚懼

用溫嶠計詣侃拜謝侃驚止之曰庾元規乃拜陶士行

耶

陶侃字士行

亮引咎自責風止可觀侃不覺釋然曰君侯

修石頭以擬老子

見上卷咸和元年

今日反見求耶即與之談

宴終日遂與亮嶠同趣建康

趣七喻翻

戎卒四萬旌旗七百

餘里鉦鼓之聲震於遠近蘇峻聞西方兵起用叅軍賈

寧計自姑孰還據石頭分兵以拒侃等乙未峻逼遷帝

於石頭司徒導固爭不從帝哀泣升車宮中慟哭時天

大雨道路泥濘

濘乃定翻濘也

劉超鍾雅步侍左右峻給馬不

肯乘而悲哀忼慨峻聞而惡之然未敢殺也

惡烏路翻

以其

親信許方等補司馬督殿中監外託宿衛內實防禦超

等峻以倉屋為帝宮日來帝前肆醜言劉超鍾雅與右

光祿大夫荀崧金紫光祿大夫華恒

左右光祿大夫金章紫綬光祿大夫

銀章青綬加金章紫綬者謂之金

尚書荀邃侍中丁潭

侍從不離帝側

從才用翻離力智翻

時飢饉米貴峻問遺超一無

所受繾綣朝夕

遺于季翻繾綣戰翻又去演翻繾綣區願翻繾綣反覆不相離也孔穎達曰繾綣

牢固相著之意左傳曰

臣節愈恭雖居幽厄之中超猶

啟帝授孝經論語峻使左光祿大夫陸曄守留臺逼迫

居民盡聚之後苑使匡術守苑城尚書左丞孔坦奔陶

侃侃以為長史初蘇峻遣尚書張闓權督東軍司徒導

密令以太后詔諭三吳吏士

漢置吳郡吳分吳郡置吳興郡晉又分吳興丹陽置

義興郡是為三吳郡道元曰世謂吳郡吳興會稽為三吳杜佑曰晉宋之間以吳郡吳興丹陽為三吳

起義兵救天子會稽內史王舒以庾冰行奮武將軍使

將兵一萬西渡浙江

將即亮
翻下同

于是吳興太守虞潭吳國

內史蔡謨前義興太守顧眾等皆舉兵應之潭母孫氏

謂潭曰汝當捨生取義勿以吾老為累

累力
瑞翻

盡遣其家

僮從軍鬻其環珮以為軍資謨以庾冰當還舊任即去

郡以讓冰蘇峻聞東方兵起遣其將管商張健弘徽等

拒之虞潭等與戰互有勝負未能得前陶侃溫嶠軍于

茄子浦嶠以南兵習水蘇峻兵便步

南兵謂溫嶠之兵
便步謂便於步戰

令將士有上岸者死

上時
掌翻

會峻送米萬斛饋祖約約遣

司馬桓撫等迎之毛寶帥千人為嶠前鋒

帥讀曰告其率下同

告其

眾曰兵法軍令有所不從豈可視賊可擊不上岸擊之

耶乃擅往襲撫悉獲其米斬獲萬計約由是飢乏嶠表

寶為廬江太守陶侃表王舒監浙東軍事虞潭監浙西

軍事

監工衛翻

郗鑒都督揚州八郡諸軍事令舒潭皆受鑒

節度鑒帥眾渡江與侃等會于茄子浦

類篇茄子求加翻菜名子可食茄

葉似高蓼葉而青子熟於夏秋之間大如杓鉢有紫色者有白色者及其熟也色正黃蓋其地宜茄子人多於此樹故因

雍州刺史魏該亦以兵會之

雍於用翻

丙辰侃等

舟師直指石頭至于蔡洲侃屯查浦

蔡洲在石頭西岸查浦在大江南岸

直秦嶠屯沙門浦峻登烽火樓望見士衆之盛有懼色

謂左右曰吾本知溫嶠能得衆也庾亮遣督護王彰擊

峻黨張曜反為所敗亮送節傳以謝侃

敗補邁翻傳林惡翻

侃答

曰古人三敗

謂魯將曹沫也

君侯始二當今事急不宜數爾

言不

宜數數如此數所角翻

亮司馬陳郡殷融詣侃謝曰將軍為此非

融等所裁王彰至曰彰自為之將軍不知也侃曰昔

融為君子王彰為小人今王彰為君子殷融為小人宣

城內史桓彝聞京城不守慷慨流涕進屯涇縣

彝自廣德進屯

涇縣時州郡多遣使降蘇峻

使疏吏翻降戶江翻

裨惠復勸彝宜且

與通使以紓交至之禍

紓緩也交至之禍言州郡多降峻兵將四合而交至也復扶又

翻彝曰吾受國厚恩義在致死焉能忍耻與逆臣通問

馬於度翻如其不濟此則命也彝遣將軍俞縱守蘭石

蘭石在涇

縣東北峻遣其將韓晃攻之縱將敗左右勸縱退軍縱曰

吾受桓侯厚恩當以死報吾之不可負桓侯猶桓侯之不負國也遂力戰而死晃進軍攻彝六月城陷執彝殺

之諸軍初至石頭即欲決戰陶侃曰賊衆方盛難與爭

鋒當以歲月智計破之既而屢戰無功監軍部將李根

請築白石壘

是時同盟諸將無監軍事者竊意李根蓋

鑒為監白石壘

在石頭東北峻極險固杜佑曰白石

壘在臺城西宋武帝大明四年為盤所置大殿於此

從之夜築壘至曉而成聞峻軍嚴聲

聞峻軍擊鼓嚴隊之聲

諸將

咸思其來攻孔坦曰不然若峻攻壘必須東北風急令

我水軍不得往救今天清靜賊必不來所以嚴者必遣

軍出江乘掠京口以東矣已而果然侃使庾亮以二千

人守白石峻帥步騎萬餘四面攻之不克

帥讀曰率

王舒虞

潭等數與峻兵戰不利

數所角翻

孔坦曰本不須召郗公遂

使東門無限今宜遣還雖晚猶勝不也

言雖遣還之晚猶勝不遣還也

侃乃令鑒與後將軍郭默還據京口立大業曲阿慶亭

三壘以分峻之兵執

曲阿秦雲陽縣也前漢屬會稽郡後漢屬吳郡晉屬毗陵郡大業里

名在曲阿北丁度曰慶亭在吳興度丑升翻裴松之曰慶據陵翻

使郭默守大業壬辰

魏該卒祖約遣祖渙桓撫襲淝口

淝口在尋陽今江州德化縣西一里有淝

浦陶侃聞之將自擊之毛寶曰義軍恃公公不可動寶

請討之侃從之渙撫過皖因攻譙國內史桓宣

宣時屯皖縣馬

頭山皖戶版翻

寶往救之為渙撫所敗

敗補邁翻

箭貫寶髀徹鞍

徹救

列翻寶使人蹋鞍拔箭血流滿鞞

鞞許戈翻

還擊渙撫破走之

宣乃得出歸于溫嶠寶進攻祖約軍于東關拔合肥戍

會嶠召之復歸石頭祖約諸將陰與後趙通謀許為內

應後趙將石聰石堪引兵濟淮攻壽春秋七月約眾潰

奔歷陽聰等虜壽春二萬餘戶而歸後趙中山公虎

帥眾四萬自軹關西入擊趙河東

軹關在河內軹縣帥讀曰率

應之

者五十餘縣遂進攻蒲阪趙主曜遣河間王述發氐羌

之衆屯秦州以備張駿楊難敵自將中外精銳水陸諸

軍以救蒲阪自衛關北濟

晉書地理志汲郡汲縣有衛關

虎懼引退曜

追之八月及於高候

杜佑曰今絳州聞喜縣北有高候原

與虎戰大破之

斬石膽枕尸二百餘里

枕職鳩翻

收其資仗億計虎奔朝歌

杜佑曰衛州衛縣漢朝歌縣紂都朝歌在今縣西

曜濟自大陽

大陽屬河東郡應劭曰在大河

之陽故曰大陽唐志陝州陝縣有大陽故關春秋之茅津也

攻石生于金墉決千金

竭以灌之

竭烏葛翻

分遣諸將攻汲郡河內後趙榮陽太守

尹矩野王太守張進等皆降之

野王縣自漢以來屬河內郡後趙始置郡也降

戶江襄國大震

張駿治兵欲乘虛襲長安理曹郎中

索詢諫曰

理曹郎中張氏所置以掌刑獄索昔各翻

劉曜雖東征其子胤守

長安未易輕也

易以鼓翻下同

借使小有所獲彼若釋東方之

圖還與我校禍難之期未可量也

難乃旦翻量音良

駿乃止

蘇峻腹心路永匡術賈寧聞祖約敗恐事不濟勸峻盡

誅司徒導等諸大臣更樹腹心

更工衛翻

峻雅敬導不許永

等更貳於峻

貳者其心構而兩向

導使參軍袁耽潛誘永使歸順

誘音九月戊申導攜二子與永皆奔白石耽渙之曾孫

也表渙事曹操陶侃溫嶠等與蕞峻久相持不決峻分遣諸

將東西攻掠所嚮多捷人情恟懼恟許拱翻朝士之奔西軍

者皆曰峻狡黠有膽決其徒驍勇所向無敵朝直遙翻點下八翻

驍堅亮翻若天討有罪則峻終滅亡止以人事言之未易除

也溫嶠怒曰諸君怯懦乃更譽賊譽羊諸翻稱揚之也及累戰不

勝嶠亦憚之嶠軍食盡貸於陶侃貸他代翻借也侃怒曰使君

前云不憂無良將及兵食惟欲得老僕為主耳今數戰

皆壯良將安在荊州接番蜀二虜當備不虞若復無食

復扶又翻僕便欲西歸更思良算徐來珍賊不為晚也嶠曰

凡師克在和古之善教也光武之濟昆陽見三十九卷漢淮陽王更

始元年曹公之拔官渡見六十二卷漢獻帝建安五年以寡敵衆杖義故

也峻約小豎凶逆滔天何憂不滅峻驟勝而驕自謂無

前今挑之戰挑徒了翻可一鼓而擒也奈何捨垂立之功設

進退之計乎且天子幽逼社稷危殆乃四海臣子肝腦

塗地之日嶠等與公並受國恩事若克濟則臣主同祚

如其不捷當灰身以謝先帝耳今之事執義無旋踵譬
如騎虎安可中下哉公若違衆獨逆人心必沮沮衆敗
事義旗將迴指於公矣

溫嶠辭嚴義正所以能留陶侃
共成大功沮在呂翻敗補邁翻

毛寶言於嶠曰下官能留陶公乃往說侃曰

說輸公本
肯翻

應鎮蕪湖為南北執援前既已下執不可還且軍政有
進無退非直整齊三軍示衆必死而已亦謂還無所據
終至滅亡往者杜弢非不彊盛公竟滅之

見八十九卷
愍帝建興三

年弢土
刀翻

何至於峻獨不可破耶賊亦畏死非皆勇健公

可試與寶兵使上岸斷賊資糧

上時掌餉斷丁管餉

若寶不立効

然後公去人心不恨矣侃然之加寶督護而遣之竟陵

太守李陽說侃曰

惠帝元康九年分江夏西界立竟陵郡

今大事若不濟

公雖有粟安得而食諸侃乃分米五萬石以餉嶠軍毛

寶燒峻句容湖孰積聚

句容湖孰二縣屬丹陽郡

峻軍乏食侃遂留

不去張健韓晃等急攻大業壘中乏水人飲糞汁郭默

懼潛突圍出外留兵守之郝鑒在京口軍士聞之皆失

色參軍曹納曰大業京口之扞蔽也一旦不守則賊兵

徑至不可當也請還廣陵以俟後舉鑒大會僚佐責納

曰吾受先帝顧托之重正復捐軀九泉不足報塞

復扶又翻

塞悉則翻

今彊寇在近衆心危逼君腹心之佐而生長異端

長丁丈翻今知兩翻

當何以帥先義衆鎮壹三軍耶

帥讀曰將斬率下同

之久乃得釋陶侃將救大業長史殷羨曰吾兵不習步戰救大業而不捷則大事去矣不如急攻石頭則大業

自解

謂急攻蘇峻健兒必還救之大業之兵自解

侃從之羨融之兄也庚午

侃督水軍向石頭庾亮溫嶠趙胤帥步兵萬人從白石

南上欲挑戰峻將八千人逆戰

上時掌翻挑徒了

遣其

子碩及其將匡孝分兵先薄趙胤軍敗之

薄迫也敗補邁翻

峻

方勞其將士

勞力到翻

乘醉望見胤走曰孝能破賊我更不

如耶因舍其衆

舍讀捨

與數騎北下突陳不得入

陳讀曰陣將

回趨白木陂馬蹟

蹟陟利翻踏也白木陂在東陵東趨七喻翻下兵趨同

侃部將

彭世李千等投之以矛峻墜馬斬首臠割之焚其骨三

軍皆稱萬歲餘衆大潰

一鼓禽峻果如溫嶠之言

峻司馬任讓等共

立峻弟逸為主閉城自守

任音

溫嶠乃立行臺布告遠

近凡故吏二千石以下皆令赴臺于是至者雲集韓晃

聞峻死引兵趣石頭管商弘徽攻凌亭壘督護李閎輕

車長史滕含擊破之

輕車長史輕車將軍長史也

含修之孫也商走

詣庾亮降

降戶江翻

餘眾皆歸張健

冬十一月後趙王勒

欲自將救洛陽

將即亮翻

僚佐程遐等固諫曰劉曜懸軍千

里執不支久大王不宜親動動無萬全勒大怒按劍叱

遐等出乃赦徐光

光被囚見上卷咸和元年

召而謂之曰劉曜乘一

戰之勝圍守洛陽庸人之情皆謂其鋒不可當曜帶甲

十萬攻一城而百日不克師老卒怠以我初銳擊之可

一戰而禽也若洛陽不守曜必送死冀州

後趙都襄國冀州之地

自河已北席卷而來

卷讀曰捲下同

吾事去矣程遐等不欲吾

行卿以為何如對曰劉曜乘高候之勢不能進臨襄國

更守金墉此其無能為可知也以大王威略臨之彼必

望旗奔敗平定天下在今一舉不可失也勒笑曰先言

是也乃使內外戒嚴有諫者斬命石堪石聰及豫州刺

史桃豹等各統見眾會滎陽

見賢通翻

中山公虎進據石門

水經注漢靈帝於敷城西北壘石為門以遏浚儀渠口謂之石門而榮濟受河水亦有石門勒自統

步騎四萬趣金墉濟自大竭

水經注石勒襲劉曜塗出延津以河水津為神靈之

助號是處為靈昌津時奇寄翻趣七喻翻竭烏葛翻

勒謂徐光曰曜盛兵成臯關

上策也阻洛水其次也坐守洛陽此成禽耳十二月乙

亥後趙諸軍集于成臯步卒六萬騎二萬七千勒見趙

無守兵大喜舉手指天復加額曰天也

又復扶

卷甲銜枚

詭道兼行出于鞏訾之間

鞏縣屬河南郡有東訾城左傳鞏子取訾杜預曰在鞏縣

西南晉地道記曰在縣之東訾子斯翻

趙主曜專與嬖臣飲博不撫士卒

左右或諫曜怒以為妖言斬之

嬖卑義翻又必計翽妖於驕翽

聞勒已

濟河始議增榮陽戍杜黃馬關

據水經黃馬坂在成皋縣河水逕其北謂之黃

馬關俄而洛水候者與後趙前鋒交戰擒羯送之曜問石

趙自來邪其衆幾何羯曰王自來軍勢甚盛

羯居謁翻

曜色

變使攝金墉之圍

攝馭也

陳于洛西

陳讀曰陣下揮陳同

衆十餘萬

南北十餘里勒望見益喜謂左右曰可以賀我矣勒帥

步騎四萬入洛陽城

帥讀曰率

己卯中山公虎引步卒三萬

自城北而西攻趙中軍石堪石聰等各以精騎八千自

城西而北擊趙前鋒大戰于西陽門

西陽門即洛城宣陽門也城西南

頭第一門或曰西陽門

即第二門西明門也

勒躬貫甲冑出自閭闔門夾擊

之閭闔門洛城曜少而嗜酒

少詩照翻

末年尤甚將戰飲酒

數斗常乘赤馬無故踞頓

踞足蹠曲不能伸也頓首低下不能舉也踞音局

乃

乘小馬比出復飲酒斗餘

比必寐翻復扶又翻下同

至西陽門揮陳

就平石堪因而乘之趙兵大潰曜昏醉還走馬陷石渠

墜于冰上被瘡十餘通中者三

中竹仲翻

為堪所執勒遂大

破趙兵斬首五萬餘級下令曰所欲擒者一人耳今已

獲之其勅將士柳鋒止銳縱其歸命之路曜見勒曰石

王頗憶重門之盟否

據水經注重門城在河內共縣故城西北二十里此盟當在懷帝永

嘉四年同圍河內之時重直龍翻

勒使徐光謂之曰今日之事天使其

然復云何邪

復扶又翻

乙酉勒班師使征東將軍石邃將兵

衛送曜邃虎之子也曜瘡甚載以馬輿使暨李永與同

載已亥至襄國舍曜於永豐小城給其妓妾嚴兵圍守

妓渠綺翻

遣劉岳劉震等從男女盛服以見之

岳被禽見上卷明帝太寧

三曜曰吾謂卿等久為灰土石王仁厚乃全宥至今邪

我殺石佗

見上卷太寧三年

愧之多矣今日之禍自其分耳

扶

問留宴終日而去勒使曜與其太子熙書諭令速降

降

翻江曜但敕熙與諸大臣匡維社稷勿以吾易意也勒見

而惡之

惡鳥路翻

久之乃殺曜是歲成漢獻王驤卒

成封李驤

為漢王驤思將翻

其子征東將軍壽以喪還成都成主雄以李

玘為征北將軍梁州刺史代壽屯晉壽

玘阮古翻

四年春正月光祿大夫陸曄及弟尚書左僕射阮說匡

術以苑城附于西軍

說輸為翻

百官皆赴之推曄督宮城軍

事陶侃命毛寶守南城鄧岳守西城

范城之南城西城也

右衛將

軍劉超侍中鍾雅與建康令管旆等謀奉帝出赴西軍

事洩蘇逸使其將平原任讓將兵入宮收超雅

將即亮翻任音

壬帝抱持悲泣曰還我侍中右衛讓奪而殺之初讓少

無行太常華恒為本州大中正

華恒平原高唐人少詩照翻行下孟翻華戶化

翻恒戶登翻

黜其品及讓為蘇峻將乘執多所誅殺見恒輒

恭敬不敢縱暴及鍾劉之死蘇逸欲并殺恒讓盡心救

衛恒乃得免

冠軍將軍趙盾遣部將甘苗擊祖約于

歷陽戊辰約夜帥左右數百人奔後趙

為後石勒殺祖約張本冠古玩

翻帥讀曰率下同

其將牽騰率眾出降

降戶江翻下同

蘇逸蘇碩韓

晃并力攻臺城焚太極東堂及祕閣毛寶登城射殺數

十人

射而亦翻

晃謂寶曰君名勇果何不出關寶曰君名健

將

將即亮翻

何不入關晃笑而還

趙太子熙聞趙主曜被

禽大懼

被皮義翻

與南陽王肱謀西保秦州尚書胡勲曰今

雖喪君境土尚完將士不叛且當并力拒之力不能拒

走未晚也肱怒以為沮眾斬之遂帥百官奔上邽

以劉肱之

才武不能守長安以抗石勒劉曜既禽盾膽破矣喪息浪翻沮在呂翻

諸征鎮亦皆棄所

守從之關中大亂將軍蔣英卒怒擁衆數十萬據長安遣使降于後趙後趙遣石生帥洛陽之衆赴之 二月

丙戌諸軍攻石頭建威長史滕含擊蘇逸大破之

滕含自輕

車長史進建威將軍長史

蘇碩帥驍勇數百渡淮而戰

淮秦淮也

溫

嶠擊斬之韓晃等懼以其衆就張建於曲阿門隘不得

出更相蹈藉

更工衛翻藉慈夜翻

死者萬數西軍獲蘇逸斬之滕

含部將曹據抱帝奔溫嶠船羣臣見帝頓首號泣請罪

殺西陽王羨并其二子播充孫崧及彭城王雄

羨附燕峻見上

咸和三年雄奔峻見上卷二年

陶侃與任讓有舊為請其死

為于偽翻

帝曰

是殺吾侍中右衛者不可赦也乃殺之司徒導入石頭

令取故節

導自討王敦時假節其自石頭出奔也棄之

陶侃笑曰蘇武節似

不如是導有慙色

導為侃所譏自愧其失節

丁亥大赦張健疑弘微

等貳於已皆殺之帥舟師自延陵將入吳興

毗陵縣前漢屬會稽

郡後漢分屬吳郡晉分屬毗陵郡師古曰毗陵舊延陵漢改之晉分毗陵延陵為兩縣毗陵則今常州晉陵縣地延陵則今之潤州丹徒金壇之地宋白曰延陵縣本漢曲阿縣地晉太康二年分曲阿之延陵鄉置帥讀曰

率乙未揚烈將軍王允之與戰大破之獲男女萬餘口

健復與韓晃馬雄等西趨故鄣

故鄣縣漢屬丹陽郡吳分吳郡丹陽置吳興郡

故鄣屬焉其地本秦鄣郡所治故曰故鄣今湖州安吉

縣故鄣之南鄉也今廣德軍漢故鄣縣之地杜佑曰湖

州長城縣西八十里鄣郡故城即秦

鄣郡縣城也復林又翻趣七喻翻郗鑒遣參軍李閔

追之及於平陵山皆斬之

蘇峻傳作巖山據帝紀平陵山當在溧陽界沈約曰吳分

溧陽為永平縣晉武帝更名永世董覽吳地志云晉分

永世為平陵縣宋文帝元嘉九年併入永世溧陽二縣

是時宮闕灰燼以建平園為宮溫嶠欲遷都豫章三吳

之豪請都會稽

會工外翻

二論紛紜未決司徒導曰孫仲謀

劉玄德俱言建康王者之宅

見六十六卷漢獻帝建安十七年

古之帝

王不必以豐儉移都苟務本節用何憂彫弊若農事不

修則樂土為墟矣

樂音洛

且北寇游魂伺我之隙

伺相史翻

一

旦示弱竄於蠻越求之望實懼非良計

望者見於外者也實者有諸中

也者今特宜鎮之以靜羣情自安由是不復徙都以褚翼

為丹陽尹

復扶又翻翼所甲翻

時兵火之後民物彫殘翼收集散

亡京邑遂安

壬寅以湘州并荊州

分湘州見八十六卷懷帝永嘉元年

三月壬子論平蘇峻功以陶侃為侍中太尉封長沙

郡公加都督交廣寧州諸軍事

佩先督荆襄雍梁四州今加都督三州

郗

鑒為侍中司空南昌縣公溫嶠為驃騎將軍開府儀同

三司加散騎常侍始安郡公

晉制驃騎將軍位從公驃匹妙翻

陸曄進

爵江陵公自餘賜爵侯伯子男者甚眾卞壹及二子眇

盱桓彛劉超鍾雅羊曼陶瞻皆加贈謚路永匡術賈寧

皆蘇峻之黨也峻未敗永等去峻歸朝廷王導欲賞以

官爵溫嶠曰永等皆峻之腹心首為亂階罪莫大焉晚

雖改悟未足以贖前罪得全首領為幸多矣豈可復褒

寵之哉

復扶又翻下同

導乃止陶侃以江陵偏遠移鎮巴陵

江陵

偏在江北又遠建康武帝太康元年立巴陵縣屬長沙郡後置建昌郡水經注曰湘水北至巴丘山入于江石

岸有巴陵故城本吳之巴丘即闕也巴丘山名天岳山一名幕阜前有培塿曰巴蛇冢朝議欲留

溫嶠輔政

朝直遙翻下同

嶠以王導先帝所任固辭還藩又以

京邑荒殘資用不給乃留資蓄具器用而後旋于武昌

帝之出石頭也庾亮見帝稽顙哽咽

稽音啟哽古杏翻

詔亮與

大臣俱升御座明日亮復泥首謝罪

復扶又翻下同

乞骸骨欲

闔門投竄山海帝遣尚書侍中手詔慰喻曰此社稷之

難難乃非舅之責也亮上疏自陳祖約蘇峻縱肆凶逆

罪由臣發事見上寸斬屠戮不足以謝七廟之靈塞四

海之責塞悉則翻朝廷復何理齒臣於人次臣亦何顏自次

於人理願陛下雖垂寬宥全其首領猶宜弃之任其自

存自沒則天下粗知勸戒之綱矣粗坐五翻優詔不許亮又

欲遁逃山海自暨陽東出武帝太康二年分毗陵無錫立暨陽縣屬毗陵郡其地在今平江府常熟縣界杜佑曰江陰晉曰暨陽按暨陽今

江陰軍城秦漢為暨陽鄉晉置暨陽縣城更有暨陽湖

詔有司錄奪舟船錄拘也亮乃求外鎮自效出為都督

豫州揚州之江西宣城諸軍事

豫州揚州之江西淮南廬江弋陽安豐歷陽等

郡也宣城郡屬揚州

豫州刺史領宣城内史鎮蕪湖陶侃溫嶠之

討蘇峻也移檄征鎮使各引兵入援湘州刺史益陽侯

卞敦擁兵不赴又不給軍糧遣督護將數百人隨大軍

而已朝野莫不怪歎

不料其如此而乃如此故怪之又念其平昔為何如人而今乃為此

故歎及峻平陶侃奏敦沮軍顧望不赴國難請檻車收

付廷尉

勳王之師侃為盟主湘州又侃所督也故侃奏收敦沮在呂翻難乃旦翻

王導以喪

亂之後宜加寬宥轉敦安南將軍廣州刺史病不赴徵

為光祿大夫領少府叡憂愧而卒

少詩照翻卒子恤翻

追贈本官

加散騎常侍謚曰敬

謚法夙夜警戒曰敬合善典法曰敬卞敦何足以當之

臣光曰庾亮以外戚輔政首發禍機國破君危竄身苟免卞敦位列方鎮兵糧俱足朝廷顛覆坐觀勝負人臣之罪孰大於此既不能明正典刑又以寵祿報之晉室無政亦可知矣任是責者豈非王導乎

徙高密王紘為彭城王紘雄之弟也夏四月乙未始安忠武公溫嶠卒葬於豫章朝廷欲為之造大墓於元

明二帝陵之北

偽為于翻

太尉侃上表曰嶠忠誠著於聖世

勲義感於人神使亡而有知豈樂今日勞費之事

樂音洛

願陛下慈恩停其移葬詔從之以平南軍司劉胄為江

州刺史

胄本為溫嶠軍司

陶侃郗鑒皆言胄非方伯才司徒導

不從或謂導子悅曰今大難之後

難乃旦翻

紀綱弛頓自江

陵至于建康三千餘里流民萬計布在江州江州國之

南藩要害之地而胄以忒侈之性臥而對之

忒奢也忒音太又音

大不有外變必有內患矣悅曰此溫平南之意也

溫嶠為平

南將 秋八月趙南陽王肅帥衆數萬自上邽趣長安

帥讀曰率 趣七喻翻 隴東武都安定新平北地扶風始平諸郡戎

夏皆起兵應之

魏收地形志有隴東郡領涇陽祖厲撫夷三縣蓋後趙分安定置也應劭曰祖

音置師古曰厲音賴夏戶雅翻

肅軍于仲橋

鄭國渠涇仲山渠上有橋謂之仲橋在九疊山之東

宋白曰雅州醴泉縣城即仲橋城

石生嬰城自守後趙中山公虎帥騎

二萬救之九月虎大破趙兵於義渠

義渠戰國時義渠戎之地前漢為義

渠縣後漢晉省

肅奔還上邽虎乘勝追擊枕尸千里

枕職翻

上邽

潰虎執趙太子熙南陽王肅及其將王公卿校以下三

千餘人皆殺之

載記曰自劉淵至曜三世二十年而滅將即亮翻校戶教翻

徙其臺

省文武關東流民秦雍大族九千餘人于襄國

雍於用翻

又

阮五郡屠各五千餘人于洛陽進攻集木且羌于河西

克之

屠各匈奴種前趙之族類也五郡屠各即匈奴五部之衆集木且羌種落之名屠直於翻且子於翻

俘獲數萬秦隴悉平氏王蒲洪羌苻姚弋仲俱降于虎

虎表洪監六裔軍事

苻慈由翻降戶江翻監工街翻

弋仲為六裔左都

督徙氏羌十五萬落于司冀州 初隴西鮮卑乞伏述

延居于苑川

乞伏鮮卑部落之名後以為姓苑川水出天水勇士縣之子城南山東流歷子城川

又北逕牧師苑故漢牧苑之地也有東西苑城相去七里西城即乞伏所都也杜佑曰苑川在蘭州五泉縣界

侵并鄰部士馬彊盛及趙亡述延懼遷于麥田述延卒

子儁大寒立儁大寒卒子司繁立

水經注麥田山在安定北界山之東北有

麥田城又北有麥田泉儁

奴沃翻乞伏始見于此

江州刺史劉脩矜豪日甚

專務商販殖財百萬縱酒耽樂不恤政事冬十二月詔徵後將軍郭默為右軍將軍默樂為邊將不願宿衛以

情懇於脩

默蓋自平蘇峻還至尋陽而被徵也晉志云按魏明帝時有左軍則左軍魏官也武帝時

又置前軍右軍泰始八年又置後軍是為四軍皆宿衛兵也樂音洛邊將即亮翻下同

脩曰此非

小人之所及也

晉以後文武之士率稱小人今西北之人猶然

默將赴召求資

於屑屑不與默由是怨屑屑長史張滿等素輕默或僇

露見之

僇郎果翻

默常切齒臘日屑餉默豚酒默對信投之

水中

信使也

會有司奏今朝廷空竭百官無祿惟資江州

運漕而屑商旅繼路以私廢公請免屑官書下

下遐稼翻

屑

不即歸罪方自申理僑人蓋肫掠人女為妻

寄寓者為僑人蓋古

蓋翻肫徒昆翻

張滿使還其家肫不從而謂郭默曰劉江州不

受免

謂屑不受免官之命也

密有異圖與張滿等日夜計議惟忌

郭侯一人欲先除之默以為然帥其徒候旦門開襲胥

帥讀曰率

胥將吏欲拒默默呵之曰我被詔有所討

被皮義翻

動

者誅三族遂入至內寢牽胥下斬之出取胥僚佐張滿

等誣以大逆悉斬之傳胥首于京師詐作詔書宣示內

外掠胥女及諸妾

孔穎達曰妾之言接也聞彼有禮走而往以得接見于君子也

并金

寶還船初云下都既而停胥故府招引譙國內史桓宣

宣固守不從

桓宣自去年歸溫嶠屯于武昌

是歲賀蘭部及諸大人

共立拓拔翳槐為代王

賀蘭部擁護翳槐見上卷咸和二年

代王紇那奔

宇文部

後周書言宇文之先出自炎帝炎帝為黃帝所滅其子孫遁居朔野後有大人普回因狩得玉

璽文曰皇帝璽普回以為天授其俗謂天子曰宇文故

國號宇文因以為氏予謂此蓋宇文氏既興於關西其

臣子為之緣飾耳李延壽曰宇文部出遼東塞外其

先南單于之遠屬也世為東部大人此言為得其實

槐遣其弟什翼犍質於趙以請和犍居延翻河南王

吐延雄勇多猜忌羌酋姜聰刺之酋慈由翻吐延不抽

劍召其將紇圪泥紇胡骨翻又恨竭翻圪古使輔其子

葉延保于白蘭白蘭在吐谷渾西南其地險遠羌之別種居之西北接利摸徒南界鄯鄂風俗

物產與宕昌畧同抽劍而死葉延孝而好學好呼以為禮公孫

之子得以王父字為氏乃自號其國曰吐谷渾

左傳魯衆仲曰

天子建德因生以賜姓胙之土而命之氏諸侯以字杜預注曰諸侯之子稱公子公子之子稱公孫公孫之子以王父字為氏

五年春正月劉膺首至建康司徒導以郭默驍勇難制

已亥大赦梟膺首于大航

驍梟並音堅亮翻

以默為江州刺史

太尉侃聞之投袂起曰此必詐也即將兵討之默遣使

送妓妾及絹并寫中詔呈侃

妓渠綺翻

參佐多諫曰默不被

詔豈敢為此

被皮義翻

若欲進軍宜待詔報侃厲色曰國家

年幼詔令不出胃懷劉脩為朝廷所禮雖方任非才何

緣猥加極刑郭默恃勇所在貪暴以大難新除

謂蕞峻新平也

難乃禁網寬簡欲因際會騁其從橫耳

騁丑野翻從子容翻

發使

上表言狀

使疏吏翻上時字翻

且與導書曰郭默殺方州即用為

方州害宰相便為宰相乎導乃收脩首答侃書曰默據

上流之執加有船艦成資

艦戶點翻

故苞含隱忍使有其地

朝廷得以潛嚴

潛密也潛嚴密教諸軍嚴裝也

俟足下軍到風發相赴

風發言其速也

豈非遵養時晦以定大事者耶侃笑曰是乃遵

養時賊也豫州刺史庾亮亦請討默詔加亮征討都督

帥步騎二萬往與侃會

帥讀曰率

西陽太守鄧岳武昌太守

劉詡皆疑桓宣與默同豫州西曹王隨曰宣尚不附祖

約

事見上卷咸和二年

豈肯同郭默耶岳詡遣隨詣宣觀之隨說

宣曰明府心雖不爾

不爾猶言不如也說輸苻翻

無以自明惟有以

賢子付隨耳宣乃遣其子戎與隨俱迎陶侃辟戎為

掾

掾于春翻

上宣為武昌太守

上時掌翻上言於天臺也

二月後趙羣

臣請後趙王勒即皇帝位勒乃稱大趙天王行皇帝事

勒字世龍初名胥上黨武鄉獨人也其先匈奴別部羌渠之胄祖耶奕于父周蜀朱一名乞翼加並為部落小

帥立妃劉氏為王后世子弘為太子以其子宏為驃騎

大將軍都督中外諸軍事大單于封秦王

驃匹妙翻單音蟬

斌

為左衛將軍封太原王

斌音彬

恢為輔國將軍封南陽王

以中山公虎為太尉尚書令進爵為王虎子邃為冀州

刺史封齊王宣為左將軍挺為侍中封梁王又封石生

為河東王石堪為彭城王以左長史郭敖為尚書左僕

射右長史程遐為右僕射領吏部尚書左司馬夔安右

司馬郭殷從事中郎李鳳前郎中令裴憲皆為尚書參

軍事徐光為中書令領祕書監自餘文武封拜各有差

中山王虎怒私謂齊王邃曰主上自都襄國以來

懷帝永嘉

六年勒據襄國端拱仰成仰牛以吾身當矢石二十餘年南擒

劉岳見上卷明帝大寧三年北走索頭見上卷咸和二東平齊魯

西定秦雍平齊魯謂滅徐寵曹窺也見九十二卷元帝永昌元年明帝太寧元年定秦雍謂滅劉氏

降苻姚也克十有三州成大趙之業者我也大單于當以授

我今乃以與黃吻婢兒吻武粉翻口邊曰吻鳥雛始出巢者口黃未褪目之曰黃吻言

也少艾念之令人氣塞不能寢食待主上晏駕之後不足

復留種也

塞悉則翻復扶又翻種章勇翻

程遐言於勒曰天下粗定

粗坐

五當顯明逆順故漢高祖赦季布斬丁公

事見十一卷高祖五年

大王自起兵以來見忠於其君者輒褒之背叛不臣者

輒誅之

背蒲妹翻

此天下所以歸盛德也今祖約猶存臣竊

惑之安西將軍姚弋仲亦以為言勒乃收約并其親屬

中外百餘人悉誅之妻妾兒女分賜諸帳初祖逖有番

奴曰王安逖甚愛之在雍丘謂安曰石勒是汝種類

種章

勇翻吾亦無在爾一人厚資送而遣之安以勇幹仕趙為

左衛將軍及約之誅安嘆曰豈可使祖士雅無後乎

祖逃

字士雅乃往就市觀刑逖庶子道重始十歲安竊取以歸

匿之變服為沙門及石氏亡道重復歸江南郭默欲

南據豫章

欲自尋陽而南據也

會太尉侃兵至默出戰不利入城

固守聚米為壘以示有餘侃築土山臨之三月庾亮兵

至湓口

湓口湓浦口也湓浦奔翻

諸軍大集夏五月乙卯默將宋侯

縛默父子出降

將即亮翻降戶江翻

侃斬默于軍門傳首建康同

黨死者四十人詔以侃都督江州領刺史

至是侃都督八州

鄧岳督交廣諸軍事領廣州刺史侃還巴陵因移鎮武

昌庾亮還蕪湖辭爵賞不受趙將劉微帥衆數千浮

海抄東南諸縣殺南沙都尉許儒

沈約志晉陵太守有南沙令本吳縣司鹽

都尉署吳時名沙中吳平後立暨陽割屬之晉成帝咸康七年罷鹽署立以為南沙縣今平江府常熟縣地帥

讀曰率抄楚交翻

張駿因前趙之亡復收河南地至于狄道

置五屯護軍與趙分境

駿失河南地見上卷咸和二年五屯護軍武街石門侯和潁川

也甘松六月趙遣鴻臚孟毅拜駿征西大將軍涼州牧加

九錫

臚陵如翻

駿耻為之臣不受留毅不遣

初丁零翟斌

世居康居後徙中國至是入朝於趙趙以斌為句町王

朝直送翻句音朐町音挺

按秦亡後慕容垂誅翟斌斌兄子真北走故知此乃斌

也趙羣臣固請正尊號秋九月趙王勒即皇帝位考

異曰載記云自襄國都臨漳即鄴也按建平二年四月勒如鄴議營新宮三年勒如鄴臨石虎第勒疾虎詐召石宏還襄國至虎建武元年九月始遷鄴是勒未嘗都鄴也大赦改元建平文武封

進各有差立其妻劉氏為皇后太子弘為皇太子弘好

屬文

好呼到翻屬之欲翻

親敬儒素勒謂徐光曰大雅惜惜

弘字大雅

情情安和貌

音揖淫翻 殊不似將家子

將即亮翻

光曰漢祖以馬上取

天下孝文以玄默守之聖人之後必有勝殘去殺者天

之道也

論語孔子曰善人為邦百年亦可以勝殘去殺矣王氏注曰勝殘能使殘暴之人不為惡也去

殺去刑殺也勝音升去羌呂翻

勒甚悅光因說曰

說輪為翻

皇太子仁孝溫

恭中山王雄暴多詐陛下一旦不諱臣恐社稷非太子

所有也宜漸奪中山王權使太子早參朝政

朝直遥翻

勒心

然之而未能從 趙荊州監軍郭敬寇襄陽南中郎將

周撫監沔北軍事屯襄陽

監工衙翻

趙主勒以驛書敕敬退

屯樊城使之偃藏旗幟寂若無人

幟尺志翻

曰彼若使人觀

察則告之曰汝宜自愛堅守後七八日大騎將至

騎奇寄翻

相策

相策謂相策應也杜佑通典作相禁一曰相策屬下句策計也猶言計汝不復得走也

不復

得走矣

復扶又翻下同

敬使人浴馬于津周而復始晝夜不絕

偵者還以告周撫

偵丑鄭翻

撫以為趙兵大至愍奔武昌敬

入襄陽中州流民悉降于趙魏該弟遐帥其部眾自石

城降敬

帥讀曰率降戶江翻

敬毀襄陽城遷其民于沔北城樊城

以戍之趙以敬為荊州刺史周撫坐免官

休屠王羗

叛趙

休屠王羌石武之部落也屠直於胡

趙河東王生擊破之羌奔涼州

西平公駿懼遣孟毅還使其長史馬詵稱臣入貢于趙

更造新宮

蘇峻之亂宮闕焚毀故更造之更工衡翻

甲辰徙樂成王欽

為河間王

河間王顯之死也詔以彭城王植子融為顯嗣改封樂成縣王薨無子元帝又以彭城王

釋子欽為融嗣今復其河間舊封

封彭城王紘子俊為高密王

初元帝以紘繼

高密王據後及彭城王雄以附蘇峻誅紘還繼本宗以俊奉高密王後考異曰宗室傳作俊今從帝紀

冬十月成大將軍壽督征南將軍費黑等攻巴東建平

拔之巴東太守楊譙監軍毋丘興退保宜都

費扶沸翻監工衡翻

考異曰帝紀作陽
謙今從李雄載紀

六年春正月趙劉徵復寇婁縣掠武進

婁縣前漢屬會稽郡後漢晉屬

吳郡吳孫權嘉禾三年改丹徒曰武進晉武帝太康三年復曰丹徒仍分丹徒曲阿立武進縣屬毗陵郡晉改毗陵曰晉陵劉昫曰唐蘇州崑山縣漢婁縣地復扶又翻下同郗鑒擊却之三月壬

戌朔日有食之

夏趙主勒如鄴將營新宮廷尉上黨

續咸苦諫勒怒欲斬之中書令徐光曰咸言不可用亦

當容之奈何一旦以直言斬列卿乎勒歎曰為人君不

得自專如是乎匹夫家貲滿百匹猶欲市宅况富有四

海乎此宮終當營之且敕停作以成吾直臣之氣因賜

咸絹百匹稻百斛又詔公卿以下歲舉賢良方正仍令

舉人得更相薦引以廣求賢之路起明堂辟雍靈臺于

襄國城西

史言石勒能矯其獷悍之習而修文

秋七月成大將軍壽攻

陰平武都楊難敵降之

降戶江翻

九月趙主勒復營鄴宮

以洛陽為南都置行臺

冬蒸祭太廟詔歸胙於司徒

導

禮記冬祭曰烝史漢亦作蒸祭餘肉曰胙今謂之祭福肉

且命無下拜

晉以周之禮齊桓公

者禮導辭疾不敢當初帝即位冲幼每見導必拜與導

手詔則云惶恐言中書作詔則曰敬問有司議元會日

帝應敬導不

不讀曰否

博士郭熙杜援議以為禮無拜臣之

文謂宜除敬侍中馮懷議以為天子臨辟雍拜三老况

先帝師傅謂宜盡敬侍中荀爽議以為三朝之首

元旦為三

朝謂歲之朝月之朝日之朝朝如字

宜明君臣之體則不應敬若它日小

會自可盡禮

以君拜臣謂之盡禮可乎

詔從之爽組之子也慕容

廐遣使與太尉陶侃牋勸以興兵北伐共清中原僚屬
宋該等共議以廐立功一隅位卑任重等差無別不足

以當重鎮宜表請進廩官爵參軍韓恒駁曰

廩戶罪翻使疏吏翻

恒戶登翻駁北角翻

夫立功者患信義不著不患名位不高桓文

有匡復之功不先求禮命以令諸侯宜繕甲兵除羣凶

功成之後九錫自至比於邀君以求寵不亦榮乎廩不

悅出恒為新昌令

新昌縣屬遼東郡

於是東夷校尉封抽等疏

上侃府

上時掌翻

請封廩為燕王行大將軍事侃復書曰夫

功成進爵古之成制也車騎雖未能為官摧勒

廩加車騎將軍

故侃稱之官謂天子勒謂石勒也騎奇寄翻

然忠義竭誠今騰牋上聽

騰箋以達

上可不遲速當在天臺也陶侃復書殊得體天臺尊晉室也不讀曰否

資治通鑑卷九十四

資治通鑑卷九十五

宋 司馬光 撰

胡三省 音註

晉紀十七

起玄默執徐孟彊
國作垂凡六年

顯宗成皇帝中之上

咸和七年春正月辛未大赦 趙主勒大饗羣臣

異曰考

晉春秋云陶侃遣使聘後趙趙王勒饗之按侃與勒必
無通使之理今不取載記云勒因饗高句麗宇文屋孤
使今但云謂徐光曰朕可方自古何等主也

方比對曰陛

饗羣臣

下神武謀略過於漢高後世無可比者勒笑曰人豈不

自知卿言太過朕若遇漢高祖當北面事之與韓彭比

肩

戴溪曰勒豈真知高帝者特自視不如韓彭故耳

若遇光武當並驅中原未

知鹿死誰手大丈夫行事宜礪礪落落如日月皎然

礪落

根終不效曹孟德司馬仲達欺人孤兒寡婦狐媚以取

天下也

狐妖獸也能蠱媚人石勒以此論曹馬使死者有知孟德仲達其抱愧於地下矣

羣臣

皆頓首稱萬歲勒雖不學好使諸生讀書而聽之

好呼列朝

時以其意論古今得失聞者莫不悅服嘗使人讀漢書

聞酈食其勸立六國後

事見十卷漢高帝三年

驚曰此法當失何

以遂得天下及聞留侯諫乃曰賴有此耳

郭敬之退

戊樊城也

事見上卷五年

晉人復取襄陽夏四月敬復攻拔之

敬復扶
又翻

留戍而歸

趙右僕射程遐言於趙主勒曰中

山王勇悍權略羣臣莫及觀其志自陛下之外視之蔑

如蔑無也言視之若無也

加以殘賊安忍

孟子曰賊仁者謂之賊賊義者謂之殘左傳衆

仲曰安久為將帥威振內外其諸子年長皆典兵權虎

忍無親

亮翻帥所類翻長知兩翻

陸下在自當無它恐非少主

之臣也

少詩
照翻

宜早除之以便大計勒曰今天下未安大

雅冲幼宜得彊輔中山王骨肉至親有佐命之功方當

委以伊霍之任何至如卿所言卿正恐不得擅帝舅之

權耳吾亦當叅卿顧命勿過憂也遐泣曰臣所慮者公

家陛下乃以私計拒之忠言何自而入乎中山王雖為

皇太后所養非陛下天屬

戴記曰虎勒之從子也祖曰
邕邕父曰寇寇勒父朱幼而

子虎故或
稱勒弟焉

雖有微功陛下酬其父子恩榮亦足矣而其

志願無極

謂虎有窺
天位之志

豈將來有益者乎若不除之臣

見宗廟不血食矣勒不聽遐退告徐光光曰中山王常

切齒於吾二人恐非但危國亦將為家禍也它日光承

間言於勒曰

間古覓翻

今國家無事而陛下神色若有不怡

何也

怡悅也

勒曰吳蜀未平吾恐後世不以吾為受命之

王也光曰魏承漢運劉備雖興於蜀漢豈得為不亡乎

以喻晉也

孫權在吳猶今之李氏也陛下苞括二都平蕩八

州

二都長安洛陽八州冀幽并青交豫司雍也

帝王之統不在陛下當復在

誰

復扶又翻下同

且陛下不憂腹心之疾而更憂四支乎中山

王藉陛下威略所向輒克而天下皆言其英武亞於陛下且其資性不仁見利忘義父子並據權位執傾王室而耿耿常有不滿之心近於東宮侍宴有輕皇太子之色臣恐陛下萬年之後不可復制也

復扶又翻

勒默然始命

太子省可尚書奏事

省悉景翻

且以中常侍嚴震參綜可否

惟征伐斷斬大事乃呈之

斷丁亂翻

于是嚴震之權過於主

相

相息亮翻

中山王虎之門可設雀羅矣

漢書曰翟公為廷尉賓客填門及廢

門外可設雀羅師古注云言其寂靜無人行也

虎愈怏怏不悅

為後虎殺徐光程遐張本怏於

兩翻

秋趙郭敬南掠江西

江西謂鄂城以東至歷陽也

太尉侃遣其

子平西參軍斌

斌音彬

及南中郎將桓宣乘虛攻樊城悉

俘其眾敬旋救樊宣與戰于涅水破之

水經注涅水出涅陽縣西北岐

棘山東南逕涅陽縣又東南逕安眾縣又東南至新野縣東入于清涅奴結翻

皆得其所掠侃

兄子臻及竟陵太守李陽攻新野拔之敬懼遁去宣遂

拔襄陽侃使宣鎮襄陽宣招懷初附簡刑罰略威儀勸

課農桑或載鉏耒於軺軒

鉏立耨所用農器也耒虛對翻手耕曲木也孔穎達曰耒

以曲木為之長六尺六寸底長尺有一寸中央直者三尺有三寸句者二尺有二寸底謂耒下向前曲接耜者

頭而著。報報金錢為之。鄭玄曰：報者，未之金也。廣五寸田，器鎡錡之，屬輶音遙，使者小車，駕馬者也。軒曲輶也。

關板曰：軒親帥民芸穫。

帥讀曰率。

在襄陽十餘年，趙人再攻之，宣

以寡弱拒守，趙人不能勝。時人以為亞於祖逖。周訪

史終

言宣守襄陽之功。

成大將軍壽寇寧州，以其征東將軍費黑

為前鋒，出廣漢鎮南將軍任回出越雋，以分寧州之兵。

費扶沸翻任音壬為音隨。

冬十月，壽黑至，朱提朱提太守董炳城

守。

朱提音銖時。

寧州刺史尹奉遣建寧太守霍彪引兵助之。

壽欲逆拒，彪黑曰：「城中食少。」

少詩治翻。

宜縱彪入城，共消其

穀何為拒之壽從之城久不下壽欲急攻之黑曰南中

險阻難服當以日月制之待其智勇俱困然後取之溷

牢之物何足汲汲也

溷與圉同胡困翻圉厠也豕所居也牢亦豕所居也言城已受圉

如犬豕在圉牢中不患其逸出也鄭氏曰牢開也必有開者防禽獸觸蓋疏曰養馬者謂之開養牛羊者謂之牢言開見其開衛言牢見其牢固所從言之異其實一物也

壽不從攻果不利乃悉

以軍事任黑 十一月壬子朔進太尉侃為大將軍劔

履上殿入朝不趨贊拜不名

上時掌翻朝直遙翻

侃固辭不受

十二月庚戌帝遷于新宮

五年作新宮至是而成乃遷居之

是歲涼

州僚屬勸張駿稱涼王領秦涼二州牧置公卿百官如

魏武晉文故事

魏武事見六十七卷漢獻帝建安二十一年晉文事見七十九卷魏元帝咸熙

年駿曰此非人臣所宜言也敢言此者罪不赦然境內

皆稱之為王駿立次子重華為世子

重直龍翻

八年春正月成大將軍李壽拔朱提董炳霍彪皆降

降戶

江翻下同壽威震南中

丙子趙主勒遣使來修好

使疏吏翻好呼

翻詔焚其幣

晉雖未能復君父之讐而焚幣一事猶足舒忠臣義士之氣

三月寧

州刺史尹奉降于成成盡有南中之地大赦以大將軍

壽領寧州 夏五月甲寅遼東武宣公慕容廆卒六月

世子皝以平北將軍行平州刺史督攝部內

皝字元真廆第三子

廆戶罪翻

赦繫囚以長史裴開為軍諮祭酒郎中令高

詡為玄菟太守皝以帶方太守王誕為左長史誕以遼

東太守陽鶩為才而讓之皝從之以誕為右長史

國之典也

其臣推賢讓能國之衷也其臣矜已忌前鶩音務

趙主勒寢疾中山王虎入

侍禁中矯詔羣臣親戚皆不得入疾之增損外無知者

又矯詔召秦王宏彭城王湛還襄國

勒以宏都督中外諸軍事並使之鎮

鄴蓋勒疾小瘳見宏驚曰吾使王處藩鎮處昌呂翻正備

在河南

今日有召王者耶將自來耶有召者當按誅之虎懼曰

秦王思慕暫還耳今遣之仍留不遣數日復問之又復扶

虎曰受詔即遣今已半道矣廣阿有蝗廣阿縣前漢屬鉅鹿郡後漢晉

省後魏復置廣阿縣屬南趙郡隋改為大陸縣唐武德間改為蒙城縣天寶初改為昭慶縣屬趙州虎密

使其子冀州刺史邃帥騎三千遊於蝗所恐勒死有愛使邃遊于蝗

所若捕蝗者以為外應帥讀曰率騎奇寄翻秋七月勒疾篤遺命曰大雅兄

弟宜善相保司馬氏汝曹之前車也前車之覆後車之戒戒其兄弟自相

殘中山王宜深思周霍勿為將來口實

謂當如周公霍光之輔幼孤也

勅謂此言可以繫虎之手足邪此數語亦徐光程遐為之耳

戊辰勅卒

年六

中山王

虎劫太子弘使臨軒收右光祿大夫程遐中書令徐光

下廷尉

下遐稼翻

召邃使將兵入宿衛

將即亮翻

文武皆奔散弘

大懼自陳劣弱讓位于虎虎曰君終太子立禮之常也

弘涕泣固讓虎怒曰若不堪重任天下自有大義何足

豫論弘乃即位

弘字大雅勅第二子

大赦殺程遐徐光

光遐固知禍之及已

然亦不料夜以勅喪潛瘞山谷莫知其處已卯備儀衛

虛葬于高平陵

勅卒十一日而葬未有如是之速者也虎既潛葬勅其所以為身後之計者亦

不過如此卒為女子所告果何益哉瘞於計翻

謚曰明帝廟號高祖趙將石聰

及譙郡太守彭彪各遣使來降

聰時鎮譙城守武又翻降戶江翻

聰本

晉人冒姓石氏朝廷遣督護喬球將兵救之未至聰等

為虎所誅慕容皝遣長史勃海王濟等來告喪

皝呼廣翻

八月趙主弘以中山王虎為丞相魏王大單于加九

錫

單音蟬

以魏郡等十三郡為國總攝百揆虎赦其境內

立妻鄭氏為魏王后子邃為魏太子加使持節侍中都

督中外諸軍事大將軍錄尚書事次子宣為使持節車

騎大將軍冀州刺史封河間王

使疏吏翻

韜為前鋒將軍司

隸校尉封樂安王遵齊王鑒封代王苞封樂平王徙平

原王斌為章武王

斌音彬

勒文武舊臣皆補散任虎之府

寮親屬悉署臺省要職

虎居鄴子邃都督中外諸軍宣據信都府寮親屬分領臺省弘

處尊位特寄坐耳散悉宣翻

以鎮軍將軍蕪安領左僕射尚書郭殷

為右僕射更命太子宫曰崇訓宮

更工衡翻

太后劉氏以下

皆徙居之選勅宮人及車馬服玩之美者皆入丞相府

宇文乞得歸為其東部大人逸豆歸所逐走死于外

慕容皝引兵討之軍于廣安

廣安在棘城之北

逸豆歸懼而請

和遂築榆陰安晉二城而還

榆陰城蓋在大榆河之陰安晉城在威德城東南

成建寧牂柯二郡來降李壽復擊取之

牂柯音臧哥降戶江翻復

扶又翻下同

趙劉太后謂彭城王堪曰先帝甫晏駕丞相

遽相陵藉如此

陵駕也轢也藉蹈也藉慈夜翻

帝祚之亡殆不復久王

將若之何堪曰先帝舊臣皆被疎斥軍旅不復由人

謂虎

諸子皆握兵權也被皮義翻

宮省之內無可為者

謂宿衛及臺省要職皆虎之府寮親

屬無與共
謀匡正者

臣請奔兗州挾南陽王恢為盟主

恢勒少子也時鎮廩

丘據廩丘宣太后詔於牧守征鎮使各舉兵以誅暴逆

庶幾猶有濟也

幾居希翻

劉氏曰事急矣當速為之九月堪

微服輕騎襲兗州不克南奔譙城

騎奇寄翻

丞相虎遣其將

郭太追之獲堪于城父

父音甫

送襄國炙而殺之徵南陽

王恢還襄國劉氏謀泄虎廢而殺之尊弘母程氏為皇

太后堪本田氏子數有功

數所角翻

趙主勒養以為子劉氏

有膽略勒每與之參決軍事佐勒建功業有吕后之風

而不妬忌更過之

呂后能誅韓信彭越劉氏不能制虎殆不及也

趙河東王生

鎮關中石朗鎮洛陽

劉膺之西奔也石生自洛陽鎮長安朗代生鎮洛陽

冬十月

生朗皆舉兵以討丞相虎生自稱秦州刺史遣使來降

降戶江翻

氏帥蒲洪自稱雍州刺史西附張駿

咸和四年洪降于虎今以

趙亂而叛帥所類翻

虎留太子邃守襄國將步騎七萬攻朗于金

墉金墉潰獲朗則而斬之

將即亮翻騎寄翻則音月

進向長安以

梁王挺為前鋒大都督

挺虎之子也

生遣將軍郭權帥鮮卑

涉瑣眾二萬為前鋒以拒之

帥讀曰率瑣公曰翻

生將大軍繼發

軍于蒲阪權與挺戰于潼關大破之挺及丞相左長史

劉隗皆死

此劉隗意即自晉奔趙者

虎還奔澠池

澠彌充翻

枕尸三百餘

里

枕職任翻

鮮卑潛與虎通謀反擊生生不知挺已死懼單

騎奔長安權收餘衆還屯渭汭

孔安國曰水北曰汭杜預曰水之隈曲曰汭音

如銳翻

生遂奔長安匿於鷄頭山

張守節曰括地志云鷄頭山在成州上祿縣東

北二十里在長安西南九百六十里鄜道元云蓋大隴山異名也後漢書隗囂使王孟塞鷄頭道即此也按原州平高縣西百里亦有笄頭山在長安西北八百里將軍蔣英據長安拒守虎進

兵擊英斬之生麾下斬生以降權奔隴右虎分命諸將

屯汧隴

汧苦堅翻

遣將軍麻秋討蒲洪

風俗通麻齊大

洪帥

戶二萬降于虎

帥讀曰率降戶江翻

虎迎拜洪光烈將軍

前此未有光烈

將軍號石虎創置也護氏校尉

漢有護羌校尉虎以此官授洪使之監護羣氏

洪至長安

說虎徙關中豪桀及氐羌以實東方

說輸為翻

曰諸氏皆洪

家部曲洪帥以從誰敢違者虎從之徙秦雍民及氐羌

十餘萬戶于關東

雍於用翻

以洪為龍驤將軍流民都督使

居枋頭

為符洪子健自枋頭入關中張本驤思將翻枋音方

以羌帥姚弋仲為奮

武將軍西羌大都督使帥其衆數萬徙居清河之潁頭

羌帥所類翻瀾目涉翻水經注清河過廣川縣東水側有羌壘姚氏之故居也為姚弋仲父子自瀾頭起兵張

本虎還襄國大赦趙主弘命虎建魏臺一如魏武王輔

漢故事慕容皝初嗣位用法嚴峻國人多不自安主

簿皇甫真切諫不聽皝庶兄建武將軍翰母弟征虜將

軍仁有勇畧屢立戰功得士心季弟昭有才藝皆有寵

於鹿皝忌之翰歎曰吾受事於先公不敢不盡力幸賴

先公之靈所向有功此乃天贊吾國非人力也而人謂

吾之所辦以為雄才難制吾豈可坐而待禍邪乃與其

子出奔段氏段遼素聞其才冀收其用甚愛重之仁自

平郭來奔喪

漢志平郭縣屬遼東郡晉省晉東夷校尉治襄平崔懿之敗慕容廆以仁鎮遼東治

平郭謂昭曰吾等素驕多無禮於嗣君嗣君剛嚴無罪猶

可畏況有罪乎昭曰吾輩皆體正嫡於國有分

昭自謂與仁皆

正室之子分可以得國也分扶問翻

兄素得士心我在內未為所疑伺其

間隙除之不難兄趣舉兵以來

伺相吏翻間古覓翻趣讀曰促

我為內

應事成之日與我遼東男子舉事不克則死不能效建

威偷生異域也仁曰善遂還平郭閏月仁舉兵而西或

以仁昭之謀告毖毖未之信遣使按驗仁兵已至黃水

黃水即潢水在棘城東北距唐營州四百里據載記黃水當在漢遼東郡險瀆縣

知事露殺使

者還據平郭毖賜昭死遣軍祭酒封奕慰撫遼東以高

詡為廣武將軍將兵五千與庶弟建武將軍幼稚廣威

將軍軍寧遠將軍汗司馬遼東佟壽共討仁與仁戰於

汶城北

佟徒冬翻姓也汶漢古縣屬遼東郡前書作文

毖兵大敗幼稚軍皆為

仁所獲壽嘗為仁司馬遂降於仁

降戶江翻下同

前大農孫機

等舉遼東城以應仁

孫機蓋王官之避地遼東者遼東城即襄平城

封奕不得

入與汗俱還東夷校尉封抽護軍平原乙逸

乙姓也逸名也姓譜

商湯字天乙支孫以為氏

遼東相太原韓矯皆弃城走於是仁盡有

遼東之地段遼及鮮卑諸部皆與仁遙相應援孰追思

皇甫真之言以真為平州別駕

魏領平州刺史以真為別駕

十二

月郭權據上邽遣使來降京兆新平扶風馮翊北地皆

應之 初張駿欲假道於成以通表建康成主雄不許

駿乃遣治中從事張淳稱藩於成以假道雄偽許之將

使盜覆諸東峽

三峽在成都之東故云東峽

蜀人橋贇密以告淳淳

謂雄曰寡君使小臣行無迹之地

蜀不許涼人假道則蜀地前此無涼人之

迹萬里通誠於建康者以陛下嘉尚忠義能成人之美

故也若欲殺臣者當斬之都市宣示衆目曰涼州不忘

舊德通使琅邪

江左自琅邪中興故以稱之使疏吏朝

主聖臣明發覺殺

之如此則義聲遠播天下畏威今使盜殺之江中威刑

不顯何足以示天下乎雄大驚曰安有此邪司隸校尉

景騫

蜀置司隸校尉於成都

言於雄曰張淳壯士請畱之雄曰壯

士安肯畱且試以卿意觀之騫謂淳曰卿體豐大天熱

可且遣下吏小住須涼

須待也

淳曰寡君以皇輿播越梓

宮未返

謂懷愍蒙塵卒之見害梓宮未返也

生民塗炭莫之振救

振舉也

故

遣淳通誠上都

上都謂建康也

所論事重非下吏所能傳使下

吏可了則淳亦不來矣雖火山湯海猶將赴之豈寒暑

之足憚哉雄謂淳曰貴主英名蓋世土險兵彊何不亦

稱帝自娛一方淳曰寡君祖考以來世篤忠貞以讐耻

未雪枕戈待旦

枕職任翻

何自娛之有雄甚慙曰我之祖考

本亦晉臣遭天下大亂與六郡之民避難此州

事見八十二卷

惠帝元康八年難乃旦翻為衆所推遂有今日琅邪若能中興大晉

於中國者亦當帥衆輔之帥讀曰率厚為淳禮而遣之淳卒

致命於建康卒子恤翻致命致其君命也長安之失守也事見八十九卷愍帝

建興四年建興四年敦煌計吏耿訪自漢中入江東耿訪敦煌所遣上計吏留長安未還

而長安陷且河隴路絕因南入漢中自漢東下至建康敦煌徒門翻屢上書請遣大使慰

撫涼州使疏更翻下同朝廷以訪守持書御史拜張駿鎮西大

將軍選隴西賈陵等十二人配之配脩也訪至梁州道不

通以詔書付賈陵詐為賈客以達之賈音古是歲陵始至

涼州駿遣部曲督王豐等報謝

九年春正月趙改元延熙 詔以郭權為鎮西將軍

州刺史

雅於用翻

仇池王楊難敵卒子毅立自稱龍驤將

軍左賢王下辨公以叔父堅頭之子盤為冠軍將軍右

賢王河池公

驤思將翻 辨步覓翻 冠古玩翻

遣使來稱藩 二月丁卯

詔遣耿訪王豐齋印綬授張駿大將軍都督陝西雍秦

涼州諸軍事

陝式冉翻

自是每歲使者不絕

仇池稱藩梁涼之路通也

慕容仁以司馬翟楷領東夷校尉前平州別駕龐鑒領

遼東相

龐皮江翻

段遼遣兵襲徒河不克復遣其弟蘭與

慕容翰共攻柳城

柳城縣漢屬遼西郡晉唐為營州治所復扶又翻

柳城都尉

石琮城大慕容廆并力拒守

城大猶城主也一城之長故曰城大廆與泥同

蘭

等不克而還遼怒切責蘭等必令拔之休息二旬復益

兵來攻

復扶又翻

士皆重袍蒙楯

重直龍翻楯食尹翻

作飛梯

飛梯即雲梯

四面俱進晝夜不息琮廆拒守彌固殺傷千餘人卒不

能拔

卒子恤翻

慕容皝遣慕容汗及司馬封奕等共救之皝

戒汗曰賊氣銳勿與爭鋒汗性驍果以千餘騎為前鋒

驍堅亮翻

直進封奕止之汗不從與蘭遇于牛尾谷

牛尾

谷在柳城北

汗兵大敗死者大半奕整陳力戰

陳讀曰陣

故得不

沒蘭欲乘勝窮追慕容翰恐遂滅其國止之曰夫為將

當務慎重審已量敵

量音良

非萬全不可動今雖挫其偏

師未能屈其大勢孰多權詐好為潛伏

好呼到翻

若悉國中

之衆自將以拒我

將即亮翻

我縣軍深入

縣讀曰懸

衆寡不敵此

危道也且受命之日止求此捷若違命貪追萬一取敗

功名俱喪

喪息浪翻

何以迺面蘭曰此已成禽無有餘理

謂以

事理策之孰必成禽無復遺餘也

卿正慮遂滅卿國耳今千年在東若

進而得志吾將迎之以為國嗣終不負卿使宗廟不祀

也千年者慕容仁小字也翰曰吾投身相依無復還理

復扶又翻

國之存亡於我何有但欲為大國之計且相為惜

功名耳

為于偽翻

乃命所部欲獨還蘭不得已而從之

史言翰雖

身在外乃

三月成主雄分寧州置交州

成分寧州之興古永昌牂

心宗國

柯越葛夜郎等郡為交州

以霍彪為寧州刺史爨深為交州刺史

趙丞相虎遣其將郭教及章武王斌帥步騎四萬西擊

郭權軍于華陰夏四月上邽豪族殺權以降

斌音彬帥讀曰率騎

奇寄翻華戶化翻降戶江翻

虎徙秦州三萬餘戶于青并二州長安

人陳良夫奔黑羌

羌之別種有青羌黑羌

與北羌王薄句大等侵

擾北地馮翊

音鈞

章武王斌樂安王韜合擊破之句大

奔馬蘭山郭敎乘勝逐北為羌所敗

敗補遺翻

死者什七八

斌等收軍還三城

魏收地形志後魏太和初分鴈門之廣武朔方之沃野置編城郡治廣武

縣縣有三城徧城

虎遣使誅郭敎秦王宏有怨言

以其父疾而虎矯詔召之

至于失職也

虎幽之

慕容仁自稱平州刺史遼東公

長

沙桓公陶侃晚年深以滿盈自懼不預朝權

朝直遙翻

屢欲

告老歸國

欲歸長沙國也

佐吏等苦留之六月侃疾篤上表遜

位遣左長史殷羨奉送所假節麾幢曲蓋

按節麾者臨敵之際三

軍視以為進退者也幢幡幢方言曰幢翳也楚曰翻關

東西皆曰幢文選注幢以羽葆為之釋名曰幢童也其

狀童童然幢傳江翻曲蓋者蓋為曲柄世說謝靈運好

戴曲柄笠孔隱士曰何不能遺曲蓋之貌晉制諸公任

方面者皆給節

侍中貂蟬太尉章

章印章也

荆江雅梁交廣

麾纓幢曲蓋

益寧八州刺史印傳蔡戟

自此以上皆朝廷所授故奉送之雅於用翻傳株應翻蔡

音啟軍資器仗牛馬舟船皆有定簿封印倉庫侃自加管

鑰以後事付右司馬王愆期加督護統領文武

史言陶侃綜理

精密雖病不亂

甲寅輿車出臨津就船將歸長沙顧謂愆期曰

老子婆婆正坐諸君

婆桑何翻婆婆肢體緩縱不收之貌侃言不得早退至于困乏如此

正坐參佐苦留之也

乙卯薨於樊溪

樊溪在武昌西三里北注大江觀陶侃在西藩顛末豈有

非望之圖哉晉史所記決指之事

侃在軍四十一年

惠帝

太安二年侃擊張昌至是年凡四十一年

明毅善斷

斷丁亂

識察纖密人不能

欺自南陵迄于白帝

南陵在宣城郡界梁置南陵郡陳置北江州於其地蓋臨江渚江州

東界盡於南陵今宣州南陵縣非古之南陵也自南陵迄于白帝總言侃所統大界宋白曰南陵本漢春穀

縣地後併于湖縣尋又屬繁昌梁武帝始置南陵縣
屬南陵郡臨江有城基見存去今縣一百三十里數

千里中路不拾遺及薨尚書梅陶與親人曹識書曰親人

其所親者也陶公機神明鑒似魏武忠順勤勞似孔明陸抗

諸人不能及也謝安每言陶公雖用法而恒得法外意

史言陶侃為名流所推重如此恒戶登翻安鯤之從子也謝鯤見九十二卷元帝永昌元年從

才用成主雄生瘍於頭瘍余章翻身素多金創矢刀所傷

為金創創初良翻及病舊痕皆膿潰諸子皆惡而遠之惡鳥路翻達于

願翻獨太子班晝夜侍側不脫衣冠親為吮膿為于偽翻吮徂來翻

雄召大將軍建寧王壽受遺詔輔政丁卯雄卒

年六十載記

雄卒在

太子班即位

班字世文雄兄蕩之子也

以建寧王壽錄尚書

事政事皆委於壽及司徒何點尚書王瓌

瓌古曰翻

班居中

行喪禮一無所預

李班豈可不謂之仁孝哉然不能已周身之防或於李越之手末俗澆漓

固不可拘拘於古禮以啟奸非至于殞身亂國也

辛未加平西將軍庾亮征

西將軍假節都督江荆豫益梁雍六州諸軍事領江豫

荆三州刺史鎮武昌

陶侃既沒庾亮始專制上流雍於用翻

亮辟殷浩為

記室叅軍浩羨之子也與豫章太守褚裒

裒蒲侯翻

丹陽丞

杜乂皆以識度清遠善談老易

老易老子及易也

擅名江東而

浩尤為風流所宗裒之孫

褚裒見七十七卷魏元帝景元元年裒離灼翻

乂

錫之子也

杜錫見八十三卷惠帝元康九年

桓彝嘗謂裒曰季野有皮

裏春秋

褚裒字季野

言其外無臧否

否音鄙

而內有褒貶也謝

安曰裒雖不言而四時之氣亦備矣秋八月王濟還

遼東詔遣侍御史王齊祭遼東公廐又遣謁者徐孟策

拜慕容皝鎮軍大將軍平州刺史大單于遼東公持節

承制封拜一如廐故事船下馬石津

自建康出大江至海轉料角至登

州大洋東北行過大謝島龜散島淤島烏胡島三百里
北度烏湖海至馬石山東之都里鎮馬石津即此地也
皆為慕容仁所留 九月戊寅衛將軍江陵穆公陸曄

卒 成主雄之子車騎將軍越屯江陽奔喪至成都以

太子班非雄所生意不服與其弟安東將軍期謀作亂

班弟玠勸班遣越還江陽以期為梁州刺史鎮葭萌

葭萌

即晉壽之地
玠阮古翻

班以未葬不忍遣推心待之無所疑間

間古

覽遣玠出屯于涪

涪音浮

冬十月癸亥朔越因班夜哭弑

之於殯宮

卒如李驥之言蔽塗曰
殯將遷葬以賓遇之也

并殺班兄領軍將軍

都矯太后任氏令罪狀班而廢之

任音士

初期母冉氏賤

任氏母養之期多才藝有令名及班死衆欲立越越奉

期而立之甲子期即皇帝位

期字世運雄第四子也

謚班曰戾太

子以越為相國封建寧王加大將軍壽大都督徙封漢

王皆錄尚書事以兄霸為中領軍鎮南大將軍弟保為

鎮西大將軍汶山太守

汶讀曰岷

從兄始為征東大將軍代

越鎮江陽

據載記始特之長子於期為伯父於壽為從兄從才用翻

丙寅葬雄於安

都陵謚曰武皇帝廟號太宗始欲與壽共攻期壽不敢

發始怒反譖壽於期請殺之期欲藉壽以討李珣故不許遣壽將兵向涪壽先遣使告珣以去就利害開其去路珣遂來奔詔以珣為巴郡太守期以壽為梁州刺史

屯涪

為李壽自涪舉兵廢李期張本

趙主弘自齋壘綬詣魏宮

石虎為魏

王其所居稱魏宮壘斯氏綬音受

請禪位於丞相虎虎曰帝王大業天

下自當有議何為自論此邪弘流涕還宮謂太后程氏

曰先帝種真無復遺矣

種章勇翻復扶又翻

于是尚書奏魏臺請

依唐虞禪讓故事

此趙朝尚書奏也

虎曰弘愚暗居喪無禮便

當廢之何禪讓也十一月虎遣郭殷入宮廢弘為海陽

王弘安步就車容色自若謂羣臣曰庸昧不堪纂承大

統夫復何言

復扶又翻

羣臣莫不流涕宮人慟哭羣臣詣魏

臺勸進虎曰皇帝者盛德之號非所敢當且可稱居攝

趙天王

考異曰三十國晉春秋虎即位改元永熙陳鴻大統歷云石虎即位改建平五年為延興明

年改建武按三十國晉春秋不記弘改元延熙虎之立

實延熙元年也故誤云永熙弘既號延熙虎安肯稱永

熙陳鴻云虎改建平五年為延興幽弘及太后程氏秦

即是弘踰年不改元也恐鴻說誤

王宏南陽王恢于崇訓宮尋皆殺之

虎更太子宮曰崇訓宮弘時年二十

一西羌大都督姚弋仲稱疾不賀虎累召之乃至正色
謂虎曰弋仲常謂大王命世英雄奈何把臂受託而返
奪之邪虎曰吾豈樂此哉

樂音洛

顧海陽年少

少詩照翻

恐不

能了家事故代之耳心雖不平然察其誠實亦不之罪

虎以夔安為侍中太尉守尚書令郭殷為司空韓晞為

尚書左僕射魏郡申鍾為侍中郎闔為光祿大夫

闔苦亥翻

又音開

王波為中書令文武封拜各有差虎行如信都復

還襄國

載記曰虎以識文天子當從東北來于是備法駕行自信都而還以應之天子當從東北來蓋

謂慕容氏將從遼碣入中國也秦始皇東游以厭天子氣初不能遏止漢高之興

慕容皝討

遼東甲申至襄平遼東人王岌密信請降師進入城翟

楷龐鑒單騎走居就新昌等縣皆降

居就新昌皆屬遼東郡降戶江翻下

同 皝欲悉阮遼東民高詡諫曰遼東之叛實非本圖直

畏仁凶威不得不從今元惡猶存

元惡謂仁也

始克此城遽

加夷滅則未下之城無歸善之路矣皝乃止分徙遼東

大姓於棘城以杜羣為遼東相安輯遺民 十二月趙

徐州從事蘭陵朱縱斬刺史郭祥以彭城來降趙將王

朗攻之縱奔淮南 慕容仁遣兵襲新昌督護新興王

寓擊走之遂徙新昌入襄平

遼東治襄平徙新昌吏民入襄平所以杜仁闕關掩

襲之心寓
王矩劄

咸康元年春正月庚午朔帝加元服

沈約禮志曰古者無天子冠禮故筮

日筮賓冠於阼以著代醺於客位三加彌尊皆士禮耳漢順帝冠兼用曹褒新禮褒新禮今不存禮儀志又云乘輿初加緇布進賢次爵弁武弁次通天皆於高廟江左諸帝將冠金吾宿設百僚陪位又豫於殿上鋪大牀御府令奉冕幘簪導袞服以授侍中常侍太尉加幘太保加冕將加冕太尉跪讀祝文曰令月吉日始加元服皇帝穆穆思弘袞職欽若昊天六合是式率遵祖考永永無極眉壽無期介茲景福加冕訖侍中繫玄統侍中

脫絳紗服加衮服冠事畢太保率羣臣奉觴上壽王以下三稱萬歲乃退鄭樵曰用魏儀一加既加元服拜于

廟太赦改元 成趙皆大赦成改元玉恒恒戶登翻趙改元

建武 成主期立皇后閻氏以衛將軍尹奉為右丞相

驃騎將軍尚書令王瓌為司徒驃匹妙翻瓌古回翻趙王虎命

太子邃省可尚書奏事省悉景翻惟祀郊廟選牧守征伐刑

殺乃親之虎好治宮室鸛雀臺崩鸛雀臺在鄴即魏武所起銅雀臺好呼到

翻殺典匠少府任汪典匠少府即漢將作大匠之職也少詩照翻任音壬復使修

之倍於其舊邃保母劉芝封宜城君關預朝權受納賄

賂求仕進者多出其門

朝直
遙翻

慕容皝置左右司馬以

司馬韓矯軍祭酒封奕為之

司徒導以羸疾不堪朝

會

羸倫為翻
朝直遙翻

三月乙酉帝幸其府與羣臣宴于內室拜

導并拜其妻曹氏侍中孔坦密表切諫以為帝初加元

服動宜顧禮帝從之坦又以帝委政於導從容言曰陛

下春秋已長聖敬日躋

從千容翻長知兩
翻日躋猶日進也

宜博納朝臣

詔諏善道

詠
頭翻

導聞而惡之

惡烏
路翻

出坦為廷尉坦不得

意以疾去職丹陽尹桓景為人諂巧導親愛之會榮惑

守南斗經旬

晉天文志南斗六星天廟也丞相太宰之位

導謂領軍將軍陶

回曰斗揚州之分

天文志斗牛女揚州九江入斗一度丹揚入斗十六度分扶問翻

吾

當遜位以厭天譴

厭一葉翻

回曰公以明德作輔而與桓景

造膝

造七到翻

使焚惑何以還舍導深愧之導辟太原王濛

為掾

濛莫紅翻掾于絹翻

王述為中兵屬

晉公府諸曹有參軍有掾有屬

述昶之

曾孫也

王昶仕魏鎮荊州以功名自見昶丑兩翻

濛不修小廡而以清約見

稱與沛國劉惔齊名友善

惔徒甘翻

惔常稱濛性至通而自

然有節濛曰劉君知我勝我自知當時稱風流者以惔

濛為首述性沈靜每坐客辯論蠡起而述處之恬如也

沈持林翻坐徂
臥翻處昌呂翻

年三十尚未知名人謂之癡導以門地

辟之

昶之子湛湛之子承
世有高名述承子也

既見唯問江東米價

述蓋自
東吳至

建述張目不荅導曰王掾不癡人何言癡也嘗見導每

發言一坐莫不贊美

坐徂
臥翻

述正色曰人非堯舜何得每

事盡善導改容謝之趙王虎南遊臨江而還

還從宣
翻又如

有遊騎十餘至歷陽歷陽太守袁耽表上之

上時
掌翻

不

言騎多少朝廷震懼司徒導請出討之夏四月加導大

司馬假黃鉞都督征討諸軍事癸丑帝觀兵廣莫門

廣莫

門建康城北門也

分命諸將救歷陽及戍慈湖牛渚蕪湖司空

郗鑒使廣陵相陳光將兵入衛京師俄聞趙騎至少又

已去

少詩
沼翻

戊午解嚴王導解大司馬袁耽坐輕妄免官

趙征虜將軍石遇攻桓宣於襄陽不克 大旱會稽

餘姚米斗五百

會工
外翻

秋七月慕容皝立子雋為世子

九月趙王虎遷都于鄴

趙王勒定都襄國虎遷于鄴

大赦

初趙

主勒以天竺僧佛圖澄豫言成敗數有驗敬事之及虎

即位奉之尤謹衣以綾錦乘以彫輦

彫輦雕鏤以為飾
裝所角翻衣於既

翻朝會之日太子諸公扶翼上殿

朝直遙翻
上時掌翻

主者唱大

和尚

主者謂掌
朝儀者也

衆坐皆起使司空李農旦夕問起居太

子諸公五日一朝

諸公虎諸子也虎稱天王
降諸子封王者爵為公

國人化之

率多事佛澄之所在無敢向其方面涕唾者爭造寺廟

削髮出家虎以其真偽雜糅

糅汝
救翻

或避賦役為姦宄

宄音

執乃下詔問中書曰佛國家所奉里閭小人無爵秩者

應事佛不

不讀
曰否著作郎王度等
晉職官志曰著作郎周
左史之任也漢東京圖

籍在東觀有其名尚未有官魏明帝太和中詔置著作
郎於此始有其官隸中書省及晉受命制曰著作舊屬
中書而祕書既典文籍今改中書省著作為祕書
著作于是改隸祕書省自後別置省而猶隸祕書
議曰

王者祭祀典禮具存佛外國之神非天子諸華所應祠

奉漢氏初傳其道

事見四十五卷漢明帝永平八年

唯聽西域人立寺

都邑以奉之

漢人初謂官府為寺後漢自西域白馬駝經來初止于鴻臚寺遂取寺名創置白馬

寺漢人皆不得出家魏世亦然今宜禁公卿以下毋得

詣寺燒香禮拜其趙人為沙門者皆逐初服

謂使還服華人之服

虎詔曰朕生自邊鄙忝君諸夏

夏戶雅翻

至于饗祀應從本

俗其四方百姓樂事佛者特聽之

樂音洛

趙章武王斌

帥精騎二萬并秦雍二州兵以討薄句大平之

去年斌等為薄

句大所敗斌音彬帥讀曰率騎奇寄翻雅於用翻句音鉤

成太子班之舅羅演與

漢王相天水上官澹

李壽封漢王相息亮翻澹徒覽翻

謀殺成主期立

班子事覺期殺演澹及班母羅氏期自以得志輕諸舊

臣信任尚書令景騫尚書姚華田褒中常侍詔等

音浩

浮刑賞大政皆決於數人希復開公卿

復扶又翻

褒無他才

嘗勸成主雄立期為太子故有寵由是紀綱隳紊

紊音問

雄業始衰 冬十月乙未朔日有食之 慕容仁遣王

齊等南還

去年齊等為慕容仁所留

齊等自海道趣棘城

趣上

齊遇

風不至十二月徐孟等至棘城慕容皝始受朝命

朝直送翻

段氏宇文氏各遣使詣慕容仁館于平郭城外皝帳下

督張英將百餘騎間道潛行掩擊之

間古覓翻

斬宇文氏使

十餘人生擒段氏使以歸 是歲明帝母建安君荀氏

卒荀氏在禁中尊重同於太后詔贈豫章郡君

荀氏元帝宮人

也生明帝自以位卑每懷怨望為帝所譴漸見疎薄及明帝即位封建安君別立第宅太寧元年迎還臺內供

奉隆厚及帝立
尊重同於太后

代王翳槐以賀蘭藹頭不恭

藹頭有翳槐男有

推護之功事見九十三卷咸和二年至四年遂將召而
紇那立翳槐又賀蘭部也扶親恃功所以不恭

將召而

戮之諸部皆叛代王紇那自宇文部入諸部復奉之

紇那

出奔見上卷咸和四年復扶又翻

和

翳槐奔鄴趙人厚遇之

初張軌及

二子寔茂雖保據河右而軍旅之事無歲無之及張駿

嗣位境內漸平駿勤修庶政總御文武咸得其用民富

兵強遠近稱之以為賢君駿遣將楊宣伐龜茲鄯善於

是西域諸國焉耆于寔之屬皆詣姑臧朝貢

龜茲音邱慈鄯上扇

翻寘徒賢翻
又徒見翻

駿於姑臧南作五殿

起一殿起譙光殿四面各

殿以春三月居之南曰朱陽赤殿夏三月居之西曰政
刑白殿秋三月居之北曰玄武黑殿冬三月居之章服

器物皆
依方色

官屬皆稱臣駿有兼秦雍之志

難於用翻

遣參軍麴

護上疏以為勒雄既死虎期繼逆兆廢離主

離力智翻

漸冉

經世先老消落後生不識慕戀之心日遠日忘乞敕司

空鑒征西亮等汎舟江沔首尾齊舉

都鑒時鎮京口庾亮時鎮武昌沔彌

翻究

二年春正月辛巳彗星見于奎婁

西方奎十六星天之
武庫也主以兵禁暴

又主溝瀆妻三星為天獄主苑牧犧牲供給郊祀奎妻
胃魯徐州分葬祥歲翻又旋為翻又徐醉翻見賢通翻

慕容皝將討慕容仁司馬高詡曰仁叛奔君親民神

共怒前此海未嘗凍自仁反以來連年凍者三矣且仁

專備陸道天其或者欲使吾乘海冰以襲之也皝從之

羣僚皆言涉冰危事不若從陸道皝曰吾計已決敢沮

者斬

沮在呂翻

壬午皝帥其弟軍師將軍評等自昌黎東踐

冰而進

皝呼廣翻帥讀曰率下同

凡三百餘里至歷林口

歷林口海滿之口

捨輜重輕兵趣平郭

重直用翻趣七喻翻下同

去城七里候騎以告

仁騎奇仁狼狽出戰張英之俘二使也事見上年仁恨

寄翻

使疏吏翻

不窮追及旆至仁以為旆復遣偏師輕出寇抄復扶又

翻抄楚

交不知旆自來謂左右曰今茲當不使其匹馬得返矣

翻

乙未仁悉衆陳于城之西北慕容軍帥所部降於旆咸和

和

八年軍為仁所執陳仁衆沮動沮在旆從而縱擊大破

讀曰陣降戶江翻

仁衆沮動

呂翻

旆從而縱擊大破

之仁走其帳下皆叛遂擒之旆先為斬其帳下之叛者

為于然後賜仁死丁衡游毅孫機等皆仁所信用也旆

偽翻

執而斬之王冰自殺慕容幼慕容稚佟壽郭充翟楷龐

鑒皆東走幼中道而還號兵追及楷鑒斬之壽克奔高

麗

麗力知翻

自餘吏民為仁所誑誤者誑古責翻號皆赦之封高

誦為汝陽侯 二月尚書僕射王彬卒 辛亥帝臨軒

遣使備六禮逆故當陽侯杜乂女陵陽為皇后

禮有六禮一曰

納采者將為婚必先媒通其言乃後使人納其采擇之
禮用雁為贄取其陰陽往來之義也二曰問名者問名
以卜其吉凶也三曰納吉者卜於廟得吉兆復使往告
婚姻之事也四曰納徵用玄纁不用雁五曰請期由夫
家卜得吉日使人往告之六曰親迎婿往女家御
輪三周御者代之婿自乘其車而先以導婦歸

大赦

羣臣畢賀 夏六月段遼遣中軍將軍李詠襲慕容皝

詠趣武興

武興城在今支東

都尉張萌擊擒之遠別遣段蘭將

步騎數萬屯柳城西回水

回水載記作曲水水經注陽樂水出上谷且居縣東北流

逕女祁縣世謂之橫水又謂之陽曲水又濡河從塞外來西北逕樂高鎮城又東北逕孤山南又東南水流回曲謂之曲河鎮又據載記曲水當在好城西北將即亮翻騎奇寄翻

宇文逸豆歸攻安晉

以為蘭聲援旆帥步騎五萬向柳城蘭不戰而遁旆引

兵北趣安晉

咸安八年旆築安晉城趣七喻翻

逸豆歸棄輜重走

重直用翻

旆遣司馬封奕帥輕騎追擊大破之旆謂諸將曰二虜

耻無功必將復至

復扶又翻

宜於柳城左右設伏以待之乃

遣封奕帥騎數千伏於馬覓山三月段遼果將數千騎

來寇抄

抄楚交翻

奕縱擊大破之斬其將榮伯保前廷尉

孔坦卒

坦先以疾解廷尉故曰前

坦疾篤庾冰省之流涕

省悉景翻

坦慨

然曰大丈夫將終不問以濟國安民之術乃為兒女子

相泣耶冰深謝之九月慕容皝遣長史劉斌兼郎中

令遼東陽景送徐孟等還建康

晉制王國乃有郎中今皝未為王而僭置是官

斌音彬

冬十月廣州刺史鄧岳遣督護王隨等擊夜郎

興古皆克之

懷帝永嘉五年王遜分牂牁朱提建寧立夜郎郡太康地志曰蜀劉氏分建寧牂牁

立典古郡加岳督寧州 成主期以從子尚書僕射武陵公

載有雋才忌之

從才用翻

誣以謀反殺之

十一月詔建威

將軍司馬勲將兵安集漢中成漢王壽擊敗之

敗補造翻

壽

遂置漢中守宰戍南鄭而還

索頭郁鞠帥眾三萬降

于趙

索頭鮮卑種言索頭以別於黑匪郁鞠以其辨髮故謂之索頭索昔各翻帥讀曰率降戶江翻

趙

拜郁鞠等十三人為親趙王散其部眾於冀青等六州

趙王虎作太武殿於襄國作東西宮於鄴

東宮以居太子還西

宮虎自居之

十二月皆成太武殿基高二丈八尺縱六十五

步廣七十五步甃以文石

高居號翻縱子容翻廣古曠翻甃側救翻

下穿伏

室

伏室即窟室也

置衛士五百人以漆灌瓦金璫銀楹

司馬相如羽獵

賦華楹璧璫注云璧璫以玉為楹頭當即所謂璇題者

也三輔黃圖注云以璧飾瓦之當也又琅璫鐸也杜甫

詩風動金琅璫此金璫蓋以金

飾瓦之當也璫柱也璫音當 珠簾玉壁窮極工巧殿

上施白玉牀流蘇帳為金蓮華以冠帳頂

華讀曰花冠古玩翻

又

作九殿于顯陽殿後選士民之女以實之服珠玉被綺

縠者萬餘人

被皮義翻

教宮人占星氣馬步射置女太史雜

伎工巧皆與外同

與外同者教宮人使執作如男子也伎渠綺翻

以女騎千人

為鹵簿

車駕法從次第曰鹵簿騎奇寄翻

皆著紫綸巾

著陟畧翻陸德明曰綸繩也蓋

合絲為綸其狀如繩染紫以織巾也今鎮江金壇人能織線番羅亦合絲為線以織之

熟錦袴金

銀鏤帶

鏤郎豆翻

五文織成韉

五文五色成文也廣雅曰天竺國出細織成魏畧曰大秦

國用水羊毛木皮野繭絲作織成皆好此以五采織成為韉也韉許弋翻

執羽儀

羽儀髦既之屬鳴

鼓吹

鼓吹軍樂也吹尺瑞翻

遊宴以自隨於是趙大旱金一斤直

粟二斗百姓嗷然而虎用兵不息百役並興使牙門張

彌徙洛陽鐘虞九龍翁仲銅駝飛廉於鄴

鐘虞九龍翁仲銅駝飛廉

皆魏明帝所鑄虞音巨

載以四輪經輞車轍廣四尺深二尺

攷之字書

無輞字當作輞音罔車轆也輞車一鐘沒於河募浮沒

三百人

浮沒在水中能浮能沒者

入河繫以竹絙

絙居登翻又居鄧翻大索也

用

牛百頭鹿橧引之乃出

鹿橧形如汲水木立兩柱橫木貫柱令圓滑可轉繫絙於橫木

絞而引之橧音盧

造萬斛之舟以濟之既至鄴虎大悅為之赦

二歲刑

為于偽翻

賚百官穀帛賜民爵一級又用尚方令解

飛之言

解姓也飛名也解戶買翻

於鄴南投石於河以作飛橋功費

數千萬億橋竟不成役夫飢甚乃止使令長帥民入山

澤采橡及魚以佐食復為權豪所奪

令力定翻長知兩翻帥讀曰率復扶

又民無所得 初日南夷帥范文雅有奴曰范文帥所常

隨商賈往來中國賈音古後至林邑教林邑王范逸作城

郭宮室器械逸愛信之林邑國本漢象林縣馬援鑄銅柱之處也漢末縣功曹子匡連

殺令自立為王子孫相承其後將即使為將亮翻文遂諧逸

諸子或徙或逃是歲逸卒文詐迎逸子於它國置毒於

椰酒而殺之志曰椰木出交趾高數十丈葉背面相似瓊臺椰子無時而生樹似檳榔葉如鳳尾

實大如瓜剖之其中有酒其皮可為飲器交州記曰椰子生南海狀如海棗子大如椀外有簾皮如大腹子豆

蔻之類中有漿似酒飲之得醉爾雅翼椰木似檳榔無枝條高十餘尋葉在其末如束蒲實大如瓠繫在樹頭

實外有皮如胡桃核裏有膚白如雪厚半寸如豬膏味
美如胡桃膚裏有汁升餘清如水美如蜜飲之可以愈
渴核作飲器
文自立為王於是出兵攻大岐界小岐界
擲以嗟翻

式僕徐狼屈都乾魯扶單等國皆滅之有衆四五萬遣

使奉表入貢

使疏吏翻

趙左校令成公段作庭燎於杠末

姓譜衛成公之後為成公氏予按春秋之時魯晉皆
有成公宜獨衛成公之後得專以為氏哉杠古雙翻高

十餘丈上盤置燎

古之人君昧旦視朝故設庭燎鄭氏云在地曰燎執之曰燭又云樹之門

外曰大燭於內曰庭燎皆是照衆為明今成公段懸盤
於杠以置燎創意為之非有古法也燎力照翻徐又力

燒翻高
居傲翻

下盤置人趙王虎試而悅之

三年春正月庚辰趙太保夔安等文武五百餘人入上

尊號

上時掌翻

庭燎油灌下盤死者二十餘人

考異曰載記云七人今

從三十國春秋

趙王虎惡之

惡烏路翻

腰斬成公段辛巳虎依殷周

之制稱大趙天王即位於南郊大赦立其后鄭氏為天

王皇后

古者稱王后稱王后稱皇帝后稱皇后未有天王皇后之稱也

太子邃為天王

皇太子

古之王者其嫡長曰世子秦漢稱皇帝立皇太子未有天王皇太子之稱也

諸子為

王者皆降為郡公宗室為王者降為縣侯百官封署各

有差國子祭酒袁瓌

瓌公回翻

太常馮懷以江左寢安請

興學校

校乃教訓

帝從之辛卯立太學徵集生徒而士大夫

習尚老莊儒術終不振環渙之曾孫也

漢末劉備舉袁漢茂才後仕魏

行御史

大夫事

三月慕容皝於乙連城東築好城以逼乙連

乙連城

段國之東境也在曲水之西

留折衝將軍蘭勃守之夏四月段遼

以車數千兩輸乙連粟

兩力讓翻乘也

蘭勃擊而取之六月遼

又遣其從弟楊威將軍屈雲將精騎夜襲皝子遵於興

國城

興國城蓋慕容氏所築從才用翻將即亮翻騎奇奇翻

遵擊破之初杜平陽

裕事段疾陸眷及遼五世

疾陸眷涉復辰末松牙遼凡五世

皆見尊禮

遼數與麁相攻

數所角翻

裕諫曰親仁善鄰國之寶也

左傳陳五

父之況慕容氏與我世婚迭為甥舅

麁皆娶于段氏蓋前此慕容氏亦

女于段也孰有才德而我與之構怨戰無虛月百姓彫弊利

不補害臣恐社稷之憂將由此始願兩追前失通好如

初

好呼到翻下好推同

以安國息民遼不從出裕為北平相

相息亮翻

趙太子邃素驍勇

驍聖亮翻

趙王虎愛之常謂羣臣曰司

馬氏父子兄弟自相殘滅故使朕得至此如朕有殺阿

鐵理否

阿鐵邃小字也阿讀從安入聲

既而邃驕淫殘忍好粧飾美姬

斬其首洗血置盤上與賓客傳觀之又烹其肉共食之

好呼到翻

河間公宣樂安公韜皆有寵於虎遂疾之如讎虎

荒耽酒色喜怒無常使遠省可尚書事

省悉景翻

每有所關

白虎恚曰此小事何足白也時或不聞又恚曰何以不

白

恚於避翻恨怒也

誚責咎捶

誚才笑翻捶止藥翻

月至再三遂私謂中

庶子李顏等曰官家難稱

稱天子為官家始見於此西漢謂天子為縣官東漢謂天

子為國家故燕而稱之或曰五帝官天下三王家天下故燕稱之難稱尺證翻

吾欲行冒頓之

事

事見十一卷漢高帝六年冒其北翻

卿從我乎顏等伏不敢對秋七月

邃稱疾不視事潛帥宮臣文武五百餘騎飲於李顏別

舍

帥讀曰率
時奇寄翻

因謂顏等曰我欲至冀州

冀州治信都

殺河間

公有不從者斬行數里騎皆逃散顏叩頭固諫邃亦昏

醉而歸其母鄭氏聞之私遣中人誚讓邃邃怒殺之誚才

笑

佛圖澄謂虎曰陛下不宜數往東宮

數所角翻

虎將視邃

疾思澄言而還既而瞋目大言曰

瞋七人翻

我為天下主父

子不相信乎乃命所親信女尚書往察之邃呼前與語

因抽劍擊之虎怒收李顏等詰問顏具言其狀殺顏等

三十餘人幽邃于東宮既而赦之引見太武東堂

水經注曰

魏武居鄴為北宮宮有文昌殿石氏於故殿處起東西大武二殿見賢通翻

邃朝而不謝俄

頃即出虎使謂之曰太子應朝中宮豈可遽去

朝直去通翻

徑出不顧虎大怒廢邃為庶人其夜殺邃

考異曰燕書文明紀云

咸康四年四月石虎至燕城下會鄴使至太子邃在後恣酒入宮殺害石主大恐狼狽引還又云初帳下吳胄使鄴還說四月浴佛日行像詣宮石太子邃騎出迎像往來馳騁無有儲君體王曰古者觀威儀以定禍福此子虎之副貳而輕佻無禮將不得其死然及石主東歸留邃監國荒敗內亂以致誅戮按十六國晉春秋殺邃皆在咸康三年燕書恐及其妃張氏并男女二十六人誤今從十六國晉春秋

同埋於一棺誅其宮臣支黨二百餘人廢鄭后為東海太妃立其子宣為天王皇太子宣母杜昭儀為天王皇后安定侯子光自稱佛太子云從大秦國來當王小秦國聚眾數千人於杜南山

京兆杜陵縣之南山也

自稱大黃帝

改元龍興石廣討斬之九月鎮軍左長史封奕等

帝拜

旆鎮軍大將軍旆以奕為左長史

勸慕容旆稱燕王旆從之於是備置

羣司以封奕為國相

相息亮翻

韓壽為司馬裴開為奉常

駑為司隸王寓為太僕李洪為大理杜羣為納言令宋

該劉睦石琮為常伯皇甫真陽協為冗騎常侍

納言令晉之尚

書令常伯晉之侍中冗騎常侍晉

宋晃平熙張泓為將

之散騎常侍冗而隴駟騎奇寄駟

軍封裕為記室監洪臻之孫

李臻見八十七卷懷帝永嘉三年

晃奭之

子也

宋奭見八十八卷愍帝建興元年

冬十月丁卯斃即燕王位大赦

十一月甲寅追尊武宣公為武宣王

庾謐武宣公

夫人段氏

曰武宣后立夫人段氏為王后世子雋為王太子如魏

武晉文輔政故事

段遼數侵趙邊

數所角翻

燕王旆遣揚

烈將軍宋回稱藩於趙乞師以討遼自請盡帥國中之

衆以會之

帥讀曰率

并以其弟寧遠將軍汗為質

沈約志寧遠將軍晉

江左置蓋始於此時質音毀下同

趙王虎大悅厚加慰荅辭其質遣還

密期以明年

為趙燕攻段遼張本

是歲趙將李穆納拓拔翳槐

於大甯其故部落多歸之

元年翳槐奔趙

代王紇那奔燕國人

復奉翳槐城盛樂而居之


復扶又翻樂音洛

仇池氏王楊毅

族兄初襲殺毅并有其衆自立為仇池公稱臣于趙



資治通鑑卷九十五



總校官庶吉士臣侍朝

校對官檢討臣王坦修

謄錄監生臣張泰